

सानसेयारि "बड'सा" ख्रौरांलाइयाव  
समाजयारि जिउजो लोखा थावाय रायथाय, खन्थाय,  
सल', सल'बाथा आरो दवबायारि थावनि, पार्क  
बाइदिनि सायाव लिन्नाय लिन्दिबां दैथाय हर/  
सानसेयारि "बड'सा" ख्रौरांलाइया खेबखानाबे  
फोसावगोब।

बड'सायाव लिन्नायवि हुबा खालाम,  
"बड'सा" ख्रौरांलाइया खेबखानाबे  
फोसावगोब।

सानसेयारि बड'सा मावखलि

माइबं नोगोर, जोहोलाव दैमालु लामा

कक्राझार, बिटिस-783370

Website: www.bodosanewspaper.com

# सानसेयारि बड'सा



BODOSA ★ A Bodo News Daily ★ Thursday ★ 5 November, 2020 Kokrajhar, BTC, Assam ★ Vol.- 30, Issue No. 219 ★ R.N.I.Regd.No.40994/91, AssamGovt.Regd.No.IPRD.40/2006/13, ★Rs.8/-

## बासुगावआव जिल्ला बिजेपिनि मावफुं मेलआव बिजेपिनि राइज्योयारि आफादगिरि रन्जित दास

बासुगाव, 4 नभेम्बर: बिटिस  
बिसायख थिथा जेसेबांनो खाथि  
नोजेराव फेबाय थादो एसेबांनो



दोलो आफादगिरि गोखो महारव  
बिसायख थि फोसावदिनायाबो  
गोखोसिन जानायखो नुनो मोन्दो।  
दिने चिरां जिल्लानि बासुगावआव  
खुं नाय जिल्ला बिजेपिनि  
आफादगिरि बिप्लाव देबनाथनि  
गाहायै मासि सामलायनाय बे  
मावफुं मेलआव बाहागो लाफेदो  
(□ 5 बिलाइआव)

## दिमाकुसियाव बेगें जिबखिनि थै गाजि जानाय सिनायथिनाय हाबाफारिया जागायजेनबाय

उदालगुरि, 4 नभेम्बर: उदालगुरि  
जिल्लानि दिमाकु सि  
फायसालिमायाव भारतनि आयुर  
बिगियान नायबिजिससं गौथुम,  
गोदान दिल्लीनि आवथायाव  
बड'लेन्ड मुलुगसोलोसालि, देहा  
आरो नख'र अन्साय बिफाननि  
बान्जायनायाव दिने बेगें जिबखिनि  
थै गाजि जानाय सिनायथिनाय  
हाबाफारिया बेखेवबाय।  
आइसिएमआरनि गोनोखोयारि डां  
सिन्त र्हांपिआ जागायजेनाय बे  
हाबाफारिया सामलायो बड'लेन्ड  
मुलुगसोलोसालिनि बिबुंगोर आरो

बे बिथोखिनि गाहाय बिबानगिरि  
डां जितेन शर्माया। हाबाफारियाव



शर्माया बुडोदि, देहा राहाखो  
जौगाखांनोनाय आरो सरसनसा  
सुबुंफोरनि देहा बेगें जिबखिनि थै  
गाजि जानायखो सिनायथिनाय  
आरो राहाखो नायसंनयनि थाखाय  
सा-सान्जानि गेजेराव उदालगुरि  
(□ 5 बिलाइआव)

## गिबि मन्थि सनवालआ मुवा-बेसादिनि बेसेन बांनयनि सोमोन्दोयाव फालांगि गौथुमनि दैदेनगिरिफोरजो गोनांथारै सावरायदो

दिसपुर, 4 नभेम्बर: राइज्योयाव  
दासान्दि मुवा-बेसादिफोरनि बेसेन  
बारायनायनि सोमोन्दोयाव  
सावरायनायनि थाखाय गिबि मन्थि  
सर्बानन्द सनवालआ दिने आसाम  
एडमिनिस्ट्रिभ स्टाफ कलेजआव  
राइज्योनि गुबुन गुबुन फालांगि  
आफादिनि थान्दै आरो खुंथायनि  
बिबानगिरिफोरजो मोनसे गोनांथार  
सावराय मेलखो खुंनाय जायो।  
(□ 5 बिलाइआव)



## 14 नं चिरां दुवार बियाबाव सोलायनायनि मुडै-इउ पि पि एलनि हान्जा सुरनाया गोजोनै जोबलांबाय

चिरांनिफ्राय फाकन गयारि, 4  
नभेम्बर: मिरु इउ पि पि एलनि  
बिथोन बादिथे बि टि आरआव



सोलायनाय लाबोनांगोन थाखाय  
राइजो-राजाफोरनि गेजेराव मोनसे  
दोहो जावरिखांहोनायनि नोजेरजो

बि टि आरनि मोन 40  
बियाबफोरव इउ पि पि एलनि  
हान्जा सुरनाय हाबाफारिया थानाय  
सप्ताहसे सिगांनिफ्रायनो  
(□ 5 बिलाइआव)

## बाक्सानि भारत-भुटान सिमना ओन्सोल सुबनखाटायाव लोंग्रा आरो आबादिनि थाखाय दैन जेना

(समान जौगाथाय, समान मोन्थाय आरो जाति-माति-बेटिनि  
बाथा बुंग्रा बिजेपि सरकारआ बेनि सायाव राहा लागोन ना ?)

सुबनखाटा, 4 नभेम्बर: बाक्सा  
जिल्लानि भारत-भुटान सिमा  
सेराव थानाय सुबनखाटा  
ओन्सोलाव बोसोरफोमबो लोंग्रा  
दैन लोगोसे आबाद फोथाराव दै  
जगायनायनि बेलायाव गोबां  
जेनाजो मोगा-मोगि जानो गोनां  
(□ 5 बिलाइआव)



## सालाकाटिआव आइजो बिपिएफनि बिसायख थि फोसावदिनाय मेल

बासुगाव, 4 नभेम्बर: बिटिसआव  
बिसायख थिथो मिरु खालामनानै  
दासान्दि मोनफोमबो  
बियाबफोरवो सोलिदो गुबुन  
गुबुन राजखान्थि दोलोफोरनि



फोसावदिनाय, मेल-मिथि। फेगौ  
डिसेम्बर दाननि गिबि सप्ताहयाव

बिटिस बिसायख थिथो खुंगोननि  
इसारा मोन्नानै दासान्दि  
बिसायख थिथो मिरु खालामना  
मोनफोमबो राजखान्थि दोलोफोर  
फोसावदिनायखो गोखोनिफ्राय  
(□ 5 बिलाइआव)

## मैत्रि बिथोखिनि सिडव गोदानै लुफुंनाय जागिरड थानानि भवन बेखेवदो गिबि मन्थिआ

दिसपुर, 4 नभेम्बर: आसामनि  
गिबि मन्थि सर्बानन्द सनवालआ  
दिने मैत्रि बिथोखिनि सिडव  
जागिरड पुलिस थानानि गोदानै



लुफुंनाय भवनखो गोजोन  
हाबाफारिनि गेजेरजो बेखेवना  
होयो। बेनि लोब्बाये थानानि  
लांगोनायाव खुंनाय मेलआव  
बाहागो लानानै गिबि मन्थिआ  
(□ 5 बिलाइआव)

## ग्रीनलिफ एनजिअआ फोरेंथाय बाद खुंदो

कक्राझार, 4 नभेम्बर: गासे 13  
साननि हाबाफारिजो कक्राझार  
ग्रीनलिफ एनजिअनि



बान्जायनायाव आरो आसाम  
नाबाड आरअनि हेफाजाबाव  
औवा आरो राइदोनि बेसाद  
(□ 5 बिलाइआव)

हादतनि मोन 10 राइज्योफोराव  
कभिडजो सन्देरजानाय केसआ 77  
जौखोन्दो आरो थैनाया 80 जौखोन्दो  
गोदान दिल्ली, 4 नभेम्बर:  
मिरुनि देहा बिफानआ  
बुधबारखालि मिथिहोनाय



बादिब्ला भारतयाव थानाय 24  
घन्टानि गेजेराव 77 जौखोन्दो  
गोदान पजिटिभ केस आरो 80  
जौखोन्दो सुबुंनि थैनाय रिपटखो  
(□ 5 बिलाइआव)


## सालबारियाव इउपिपिएलनि हेफाजाबाव बाथौ महासभानि सावराय जथुम

भवानिपुर, 4 नभेम्बर: दुलाराय  
बाथौ महासभानि बान्जायनायाव  
दिने सालबारियाव सालबारि  
बियाबनि इउपिपिएल दोलोनि  
बिजाथि बिनद मुसाहारिनि  
हेफाजाबाव मोनसे गुवार  
सावरायनाय मेलआ जोबनानै

थाडो। दुलाराय बाथौ महासभानि  
दैदेनगिरि पद्यधर बसुमतारिनि  
मासि सामलायनायाव जानाय बे  
गोनां मेलआव दुलाराय बाथौ  
महासभा, एबसुनि सालबारि  
दख'रा आफादिनि दैदेनगिरिजो  
लोगोसे माखासे लिन्गिरि,



थुनलाइगिरि, देखोगिरि, समाज  
(□ 5 बिलाइआव)



Lt. DHANURAM BASUMATARY (age 67 years) S/o. Lt. Kalicharan Basumatary Village - Khargaon P.O.- Khargaon PS/Dist.- Kokrajhar, BTR (Assam)

He died on 01-11-2020 at North Bengal Medical College and Hospital right at 11.30 PM. Due to ISCHEMIC CEREBRO VASCULAR ACCIDENT [163.9]

**ADMISSION NOTICE**  
**NEF College of Health Sciences**  
Affiliated to Srimanta Sankaradeva University of Health Sciences

A pristine institution of 'NEF Group of Colleges' offering the following Paramedical and Physiotherapy courses from the session 2020-21

PARA-MEDICAL	PHYSIOTHERAPY
<b>B.Sc. (MLT) (3 Years)</b> (B.Sc. Medical Lab. Tech.) Eligibility: H.S. (Sc) with PCB with 45% marks.	<b>B.P.T. (4½ Years)</b> (Bachelor of Physiotherapy) Eligibility: H.S. (Sc) with PCB with 45% marks.
<b>D.M.L.T. (2 Years)</b> (Diploma in Medical Lab. Tech.) Eligibility: H.S.(Science) with PCB.	<b>D.P.T. (2 Years)</b> (Diploma in Physiotherapy) Eligibility: H.S.(Science) with PCB.

Best Infrastructure & Laboratories in North East India  
Lokhra Lalganesh Road, Saukuchi, Guwahati- 40  
www.nefcohs.org • 9401174466

आसाम सरकार

हाजो आरो बुर्लुबुथुरनि  
अखोरांनि गाहायाव  
नों दामनाय चिफुं बांहीनि सोदोब रिखांनाय,  
नों आरो आं समान बाहागो जानानै ह्य  
फिन लाबोनि फै सनाथि गोथार सान  
सान्दुंजो साथिफबनाय बै सनाथि गोथार सान।  
-ड० भुपेन हाजरिका

सुधाकान्ठ भारतरत्न ड० भुपेन हाजरिकानि गुथि थैनाय बोसोरारियाव आसामयारिफोरनि जानानै मान होना नै खुलुमनाय जासिबाय।  
सर्बानन्द सनवाल  
गिबि मन्थि, आसाम

JANASANYOG/D/6552/20 फोरमान आरो सुबुं फोनांजाव बिथोनगिरि मावख', आसामजो फोसावजानाय

# सुजुगिरिनि खोलोम

## मुवा-बेसादनि बेसेन बांनाया मिजिं थिथावयै महर मोन्दों

मोनासे समाव मानसिफोरा बेसेन बाडय जानायनि जाहोनाव गावनि दिहुन्याय मुवा-बेसादफोरखौ फानहरनो गोसो गाबखाडोमोन। बेखायनो उननि समफोराव बेसेन बाडोब्ला फानहरनायनि थांखियै हाथाय-बाजारनिफ्राय मुवा-बेसादफोरखौ न थाव लानानै फेफिनोमोन। देहानि थैखौ गोलोमदै गसर होनानै सान्दु-अखा खस्ट खालामनानै मावनानै दिहुन्याय फसल फिथायफोरखौ एसेल' बेसेनाव फानानाया गोसोयाव दुखुल' होया, मोनांगौनि मोन्थायखौबो खोमानाडो। मुगाया सोलायनायजों लोगोसे गासैबो दनायमानि मुवा-बेसादनिफ्राय लानानै जानाय-लौनाय, हाथाय-बाजार सोलायनानै फैबाय। बेजों लोगोसे बै समनि मुवा-बेसादनि बेसेना आथिखालनि बेसेनजों हा-अखां फारागथि नुजाबाय। बेयाव मावनानै दिहुन्याय मैंग-थाइंग्यानो जा एवा हाप्रा-बंग्रायाव खन्थुमनानै लाबोनायानो जा मानसिनि श्रम आरो रोगाथायनि बेसेनखौ नायनानै फानाय-बायनाय जालायो। बेयाव फानग्राया मुवाजों गोरबनाय बादि बेसेन मोनो लुबैगोन। बेराफासै बायग्राया बेसेनखौ बांद्रायनाय मोनोबो हागौ। बेसेन थि खालामनानै होनायनि थाखाय बिफानारि थाखायो। दानि समाव बिफानारियाबो मुवा-बेसादनि बेसेन थि खालामनानै होनायाव फेलें थानाय नुनो मोनो।

मुलुगनाडै करना भाइरासनि सन्देरनायनि थाखाय गोलाव सम लकडाउन सोलिनयनि जाउनाव हान्था-मेलानिफ्राय लानानै हाथाय-बाजार, गला, टाउन-सहर बन्द जानानै थानो गोनां जादोंमोन। बिब्दि हालोदयाव आबादयारिफोरा रां-खावरि गारनानै, देहानि बोलो गारनानै मावसोमनानै दिहुन्याय आबाद फसलफोर, गुबैयै जेराव गोलाव सम दोन्थुमनानै लाखिनयनि राहा गैजाया बेफोर बादि ओन्सोलाव गोबांथार आबाद फसलफोर नोस्टो जालानायबो नुनो मोन्याय जादों। करनानि थासारिया दासान्दि लासै लासै साबसांबोनो हमबाय। मानसिफोराबो न' सिडव थायानि सोलायै लासै लासै बाइजोयाव ओंखारबोनो हानाय जाबाय। हाथाय-बाजार, टाउन-सहर, हान्था-मैला, फरायसालि-कलेज, बेफार-फालागिखौ लानानै आबाद मावनाय-दिखानायव दिने बयबो माखासे नेमखाखिखौ फालिनानै सोलिफिनो हानाय जाबाय। बे समनि गेजेरावसो दिने मोनफ्रोम गोनांथार मुवा-बेसादफोरनि बेसेन बांनाया साफ्रोम सुबुंफोरखौनो हालाय-हाफाय खालामदों। सेरफा सामब्राम आरो आलुनि बेसेना डाइनजि-बाजि रांसिम दावखोनाय बेसेवा गोलाव सम नुनो आरो खोनानो मोन्याय जायाखैमोन। सामब्राम-आलुनि' बाश्रा नडा साफ्रोम सुबुंनो गोनांथि जानाय रोगाथायनि थाखाय गोनां खाम मुवाफोरनिफ्राय लानानै मोनफ्रोम मुवा-बेसादफोरनि बेसेना दासान्दि अखां नाहैनाय जानो हमदों। खुंथायनि बिफानारिया बेनि सायाव गोखौ राहा लानो हायैनि जाउनावनो दिने मिजिं थिथावयै बेसेन बांनो हमनायनि हँथायै सोमावसारनायबो जादों। खुंथाया बेनि सायाव राहा लानायखौ नोगोरारिफोरा हास्थायदों।

# दिनेनि फानजामुथि

## राशि बाइदियै मुनि गिबि हांखो

मेष : अ ल बृष : ऊ ब (उ ए इ) मिथुन : क छ (ड ङ) कर्कट : ड ह सिंह : म ट कन्या : प ट (ण ष) तुला : त र बृश्चक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

**मेष:** बायदिसिना जैनाखौ लानानै गोसोआव असाथि सोमजिखानो हागौ। धैय्य हमनानै थानाय मोजां।

**बृष:** मोजां मोनलायनायनि गेजेराव जैना सोमजिनो हागौ। गोसोआव दुखु मोनलायनाय जानो हागौ।

**मिथुन:** माबाफोर मुवा-बेसाद गोमानो हागौ। फारफ्रोमथिबो नोजोर होनानै थानाया मोजां।

**कर्कट:** मिजिंथिनानै थानाय गोदान खामनिखौ मावनानै लानो लुबैगोन। गोसोखौ गोजोन्नाय मोनगोन।

**सिंह:** नख'रनि मोजां खामानियाव आगान सुरजेनो हागोन। गोसोखौ गोजोन्नाय मोनगोन। मोजां दिन।

**कन्या:** मोजां मोनलायनायजों लोगो हमलायनो हागोन। जैरैबो गोजोन्नाय मोनो हागोन। मोजां सान।

**तुला:** सुथुर जालायनानै थानाया जोबसंगोन। गोजोनै दिनखौ बारहोनो हागोन। मोजां दिन।

**बृश्चक:** हरखाबै माबाफोर मुवा मोनो हागौ। लटारि लायोब्ला खाफल जुफिनो हागौ। समखौ औरैनो दाहगार

**धनु:** सुथुरफोरा जैनायाव खोखलैनो हागौ। फारफ्रोमथिबो सांग्रां जानानै थानाया मोजां।

**मकर:** बायदिसिना न'नि जैनाफोरखौ लानानै जिंगा सिफ्लानो हागौ। गोसोखौ साथि मोन्याय नडा।

**कुम्भ:** सोरजोबा बहावाफोर दावबायहैनो मोनगोन। गोसोखौ गोजोन्नाय मोनगोन। मोजां सान।

**मीन:** हरखाबै दोहोनफोरा जोबसंगानयनि लामायव फैनो हागौ। जैना थानाया जोबनाय नडा।

# भारत हादतआव दासिमाव गासै 4.34 जौखोन्दोल' एक्टिभ केस दंसै

गोदान दिल्ली, 4 नभेम्बर : हादतआव एक्टिभ केसफोराव से दाननिफ्राय एखेराहायै दावखलायदों। बे केसआव भारतआ आथिखालाव नैथिनिफ्राय 3 नभेम्बरआव फैदों। बेवहाय खालि 4.34 जौखोन्दो बेरामिफोरनि फाहामथायल' सोलिगासिनो दड। 26.7 जौखोन्दोजों लोगोसे आमेरिकाया गिबि नम्बरआव आरो 31 जौखोन्दोजों लोगोसे फ्रान्सआ नैथि नम्बरआव दड। इटाली आरो बेलजियामआबो टप-5 हादतफोराव थाफादेरबाय। हादतआव करना बेरामिफोरनि अन्जिमाया 83 लाखनि बांसिन जाबाय। दासिमआव 83 लाख 12 रोजा 947 सुबुंफोरा इनफेक्सन जाखांबाय। रेहाय मोन्यायनि बाश्राखौ बुडेब्ला बिसोरनि गेजेराव 76 लाख 54



रोजा 757 सुबुंफोरा मोजां जाखांबाय, जेराव 1 लाख 23 रोजा 650 इनफेक्सन जानाय बेरामिफोरा थैखांबाय। 15 लाख 33 रोजा 27 बेरामिफोरनि फाहामथाय होनाया दासिमबो सोलिगासिनो दड। मिरुआरि सावसिनि नेहाथारि राजेश भुवनआ प्रेस कनफारेन्सआव फोरमायदोंदि, अक्टबरनि रुजुनायाव नभेम्बरआव मणिपुर, दिल्ली, केरेला आरो सोनाब बंगआ एक्टिभ केसनि

अन्जिमाया गोखैयै बांदों। मणिपुरआव अक्टबरनि जागायनायाव 1000 एक्टिभ केसआ दडमोन जाय आथिखालाव 3500 जाबाय। दिल्लीआव 26 रोजानिफ्राय बांनानै 33 रोजा, केरेलायाव 77 रोजानिफ्राय 85 रोजा आरो सोनाब बंगआव 26 रोजानिफ्राय बांनानै 36 रोजा एक्टिभ केस जादों। बेखौ होबथानो थाखाय टेस्टिं, ट्रेसिं आरो ट्रीटमेन्टआव नोजोर होनांगोन।

# इस्लामिक स्टेटआ भियेना गागलोबनायनि दायखौ लाबाय

बेरुत, 4 नभेम्बर : इर'पनि अस्ट्रियाआव जानाय उतखारिफोरनि गागलोबनायनि दायखौ आइएसआइएसआ लाबाय। बेजों मुलुगनि माखासे फोलेरफोरा सांग्रां जादों। अदेबानि थानाय समबारखालि अस्ट्रियानि राजथवनि भियेनानि मोन 6 था आलादा आलादा जायगाफोराव गुलि गाव'लुनायाव सा 7 सुबुंफोरनि जिउ ख'हा जायो आरो माखासे सुबुंफोरा जोखोम जायो। बेनि जाहोनाव पुलिसआ इस्लामिक स्टेटजों जेब्ला गोनां सासे गागलोबनायखौ बुथारो। बेराफासै, फ्रान्स आरो अस्ट्रियाआव जानाय गागलोबनायनि उनाव ब्रिटेनआ उतखारि यारि खै फोदनि थाखोखौ बारायहोनानै गोब्राबसिन खालामबाय। मख'नो गोनांदि, ब्रिटेनआव सांग्रांथिनि नैथि जोसिन थाखो दड। बेनि ओंथिया गागलोबनायनि सन्देहयाबो

बांसिन। बेनि गेजेरजों ब्रिटेननि नख'र मन्थि प्रीति पाटेलआ थानाय सप्ताहयाव फ्रान्स आरो बे सप्ताहयाव अस्ट्रियाआव जानाय उतखारि फोरनि गागलोबनायखौ नोजोर होनानै बे थांखिखौ जारिमिनारि राहा लामा महैर दिन्थिबाय। बेनि सोमोन्दै बिथाड बुडेदि, ब्रिटिस सुबुंफोरा सांग्रांडे थानांगौ, नाथाय जिंगा सिनाड। पाटे लआ आथिखालाव हादतआव पुलिसनि बेबस्थाखौ बांसिन गोखौसिनै नुनो मोनसिगोन बुंदों। जों ब्रिटेनआव उतखारि फोरनि खै फोदजों मोगा-मोगि जानांगिसिनो दड। बेनिखायनो सोरबाफोर सन्देह खालामथायवै थांलाय-फैलाय खालामनायखौ नुदोंब्ला थाबेनो पुलिसनो खौरं हरनांगौ होनानै बिथां पाटे लआ बुंवावदों। आथिखालाव अस्ट्रियाआव जानाय गागलोबनायनि नंगुबै जाहोनखौ मिबथिनो मोनाखे।

# उरियाजों खांजानाय बर'सेंग्रा

(थानाय बिसाननिफ्राय) कँच, राजबंसी, शरनीया बायदि हारिसायै (हार्सा-असमीया) परिचय होनानै मंगलीय बर' राव हारिमुखौ उन्दै अनागार सानानै आर्यनि दैमायाव गोरबलांबाय। अनागारी खालाम जानाय, मुगै जानाय, नाथाय गावनि बिबै-बिबौनि राव-हारामुखदौ गोबानानै लानाय गिदित बर' हान्जानि "हारि" उपाधि लिरग्रा (जैरै, बसुमतारी, हाज'वारी, खाख्लारी, दैमारी, मोसाहारी बायदिफोर) बोराइ बाथौ, माइनाव बुरिखौ गोथारे सिबिग्रा बै गुबै बर'फ्रा समनि गुथालाव दिनेसिम उथिबोगासिनो दं आरो आथिखालाव उथिनांबाय थालांसिगोन इयुनाव। नंगौ बर'आ मोनसे गिदित मंगल'यड फोलेरनि गेदेमा हारि। नोंबो बे एसे गिदित, एसे गेदेमा गोजौ मान-सन्मान गोनां बर'निनो बंश, बर'निनो जोलै। बर'नि-बर'निनो आगोमा फिसा साभारकार। नाथाय नॉनि गिबि मुड Bodonised नि "सानस्री" सोमोन। उनाव नोडे ड: पाटनायकनि आखाइयाव गोरलैनायनिफ्राय नोंखौ "सानस्री"निफ्राय आर्यनि जानानै उरियाआव साभारकारा बिमुं दोन्दों।

सांबादिकनि बाश्राखौ खोनानानै गोजांसिउबाय साभारकारआ। माबा मैया-मैया आवनायनाय बायदि बाश्रा खोनानो मोनबाय बियो। लाहाखि जाबाय बिनि मोखाड। फारि फारि खिन्थाजोबनानै होबाय बिनि दुखुथिया जिउ खौरनि जारिमिनखौ साभारकारनो सांबादिकआ। दुखुथिया जिउनि बरे बिबारनि मोदोमनायनि जलंगाखौ बुफ्रुनानै सारदलानानै होबाय बियो मल-मलनो। साभारकारनि फोथायरोडै लोगोखौ फोथाय होनो हाबाय बियो। उनथाराव, साभारकारआ गुरे आरो दुखु गोनां रावजों बुंबाय, - "मि: गाजडुसेक, नॉनि खिन्थानायखौ फेलें खालामरिखैसै आं। दा फोथायबाय आं, नोंदि गिदि खिन्था फोरमानजों खिन्थादों आंनि जिउ जारिमिननि दाहानि जलंगाखौ बुफ्रुसारदलानानै आंनो आंदि आंनि जोनोम दाता बिफा गुबैखौ मोनफिनबाय-बेनो आंनि बयनिखुइबो साबद्रायनाय बान्था। बेनि उनाव प्रफेसार नन्द नारायण रामसियारीआ बोरे सारसिनानै बुंवाय साभारकारखौ, - "साभारकार नों गोजोन जा, गोजोनै था-आं बेखौनो हास्थायो। आं नोंनो जोथोबनि दनायमानि रां आरो सम्पत्तिखौ होगोन।

बेनि उनाव बयनिबो खुगायाव जाखांफेयो- "साभारकारआ उरियाजों खांजानाय बर'सेंग्रा"। लोगो लोगो साभारकारआ गावनि असे जोनोम दाता बिफा प्रफेसार नन्द नारायण रामसियारी, गावखौ उन्दैनिफ्रायनो खांनानै फेदेरग्रा-फोलावग्रा बिमा-बिफा मिसैस सधानी पाटनायक, ड: ए.के. पाटनायक (अक्षय क'लहा पाटनायक) मोनखौ आथिडव हमनानै खुलुमो आरो मि:चि:चि: गाजडुसेक रिप'टर बिथांखौ आखाइजों आखाइ हेन्ड साइक लानानै मान लायो। बयनिबो गोसोआव गोजोन्नायनि रंजनाय उसिफावयो।

# बंगप लैथोनि मालाबारआव जुथायै नाव सान्थि हान्जानि दावहा हुदा खालामनायखौ चीनआ गिखांनदों

गोदान दिल्ली, 4 नभेम्बर : सोनाब बंगनि बंगप लैथोमायाव भारत, आमेरिका, जापान आरो अस्ट्रेलियानि नेभीफोरनि जैना गोनां हुदाया चीननि जिंगाखौ बां होबाय। थानाय मंगलबारनिफ्राय जागायनानै सानब्रैसिम सोलिनो गोनां मालाबार नेभीफोरनि हुदानि गिबि खोलोबनि गिबि सानाव क्वाडनि सोद्रोमायारि हादतफोरा गावबा-गावनि सान्थिफोरखौ दिन्थियो। बेनि नैथि खोलोबआ 17-20 नभेम्बरनि गेजेराव आरव लैथोमायाव जागायगोन। बेनि सोमोन्दै आमेरिकानि थान्दै मावख'या डुइट खालामोदि, बे हु दायया हिन्द-प्रशान्त लैथोमायाव गोखोडे रेखाथि हे फाजाब होलायनायखौ दिन्थियो। बेनि सिगां भारतयारि नेभीफोरा मोनसे बिबुंथियाव बुंदोंमोनदि, करना भाइरासनि इनफेक्सनखौ नोजोर होनानै बे हुदाखौ खालि लैथोमायावल' खालामनाय जागोन। बेनि

# कंग्रेस आरो बिनि हेफाजाबगिरिआ फिन सुबुंतन्त्रखौ लाजिफोनांदों : अमित शाह

मुम्बाइ, 4 नभेम्बर : मुम्बाइ पुलिसआ बुधवार फुडाव रिपाब्लिक टिभिनि एडिटर इन चीफ अर्नब गस्वामीखौ न'निफ्रायनो ग्रेप्टार खालामदों। बेखौ लानानै अर्नबआ मुम्बाइ पुलिसनि सायाव माखासे गोथौ दाय जाबसिन्दों। रिपाब्लिक टिभिनिफ्राय अर्नबनि न'नि मोनसे लाइभ फुटेजआ दिन्थिनाय जादों, जेराव पुलिस आरो अर्नबनि गेजेराव बुलाय-लायनायखौ नुनो मोन्याय जादोंमोन। मख'नो गोनांदि, पुलिसआ अर्नब गस्वामीखौ नै बोसोर गोजाम इन्ट्रियार डिजाइनरनि सुसाइड खालामनायनि केसयाव ग्रेप्टार खालामदों। बे केसया गिबियाव बन्द जाबायमोन। नाथाय थानाय सानफोराव बे केसखौ फिन नायबिजरनो बिथोन होनाय जादों। बे ग्रेप्टार खालामनायनि



सायाव हादतनि गासैबो मन्थिफोरनि फिन जाथाय होनाया सोराडव फैदों। मिरुनि नख'रारि मन्थि अमित शाहआ बुंदों, कंग्रेस आरो बिनि हे फाजाब गिरिआ फिन खनसेबाव सुबुंतन्त्रखौ लाजिफोनांदों। रिपाब्लिक टिभि आरो अर्नब गस्वामीनि हँथायै राइज्योनि खुंथायखौ आयेननि बेरेखायै बाहायनाय सुबुंतन्त्रनि

उदांमि आरो सुबुंतन्त्रनि ब्रैथि माइल खुन्थियायनि सायाव हामला खालामनाय। बेबादिया जोंखौ इमार्जेन्सिखौ गोसो खांहोयो। फ्रि प्रेसआव बे हमला खालामनायखौ हँथा होनाय जागोन। मन्थि रबिशंकर प्रसादआ अर्नब गस्वामीखौ ग्रेप्टार खालामनायखौ लानानै महाराष्ट्र सरकारनि सायाव हामला खालामदों।



गेजेरजों भारतआ थानाय दानाव बे खेबाव मालामार हुदायाव अस्ट्रेलियाआबो बाहागो लागोन होनानै फोसावदोंमोन। अदेबानि क्लाडनि सोद्रोमाआरि हादतफोरनि गुबुन हादतयारि मन्थिफोरा टकियआव लोगो ह मनानै हिन्द प्रशान्त लैथोमायाव गावसोरनि हे फाजाब होलायनायखौ बां होनायनि सायाव सावरायदोंमोन। मख'नो गोनांदि, बे जुथाय हुदायाव भारतयारि नेभीफोरा गावसोरनि डेस्ट्रयर रणबिजय, फ्रिगेट शिवालिक,

अफशर पेट्रल बेसल सुकन्या, फ्लीड सफर्ट सिप शक्ति आरो साबमेरिन सिधुराजजों लोगोसे बाहागो लागसिनो दड। बेनि अनगथै एडभान्स जेट ट्रेनार हक, लनर रेन्ज मेरिटाइम पेट्रल एयारक्रफ्ट आरो माखासे हे लिकप्टारफोर बो दड। बेराफासै आमेरिकानि नेभीफोरा गाइडेड मिसाइल डेस्ट्र्यार इउएसएम जन एस मेक्केन, अस्ट्रेलियानि नेभीफोरा हेलिकप्टारों लोगोसे लन रेन्ज फ्रिगेट बालाराट आरो जापाननि नेभीफोरा हेलिकप्टारजों लोगोसे डेस्ट्र्यार अनामीजों लोगोसे

बाहागो लादों। बे मालाबार हुदाखौ थानाय 1992 माइथायाव भारतिय आरो आमेरिकानि नेभीफोरा हिन्द लैथोमायाव जुथाय हुदानिफ्राय जागायजेन्दोंमोन। बेनि उनाव जापानआ थानाय 2015 आव बेयाव बाहागो लाफायो। बे मालाबार हुदाआ औरैबायदि समाव जागायो जेब्ला लाइकन्याव सिमनाखौ लानानै थानाय 6 दाननिफ्रायनो भारत आरो चीननि गेजेरवि दावराव-दावसिया सोलिबाय थायो। बेनि जाहोनावनो आथिखालाव चीनआ बे हुदाखौ लानानै जिंगायाव गोलेदों।

# अस्कारनि थाखाय थियेटारआव माखासे सर्थजोंबान्था आजवनायनि राहा लादों

गोदान दिल्ली, 4 नभेम्बर : करना जैनानि समाव जेब्ला मुलुगनाडै गासिबो थाबथानानै थादों अब्ला गोबां माल्टिप्लेक्स आरो थियेटारफोराबो बन्द जादों। सिनेमाहलआव माखासे सावथुनफोरनि रिलिज जानांगौआ थाबथानै थादों, मानोना नायगिरिफोरा न'आवनो थानो गोनां जादोंमोन। बेबायदिआव अटिटि प्लेटफर्मआ मोजां जादों। आथिखालाव सावथुन मुलुगनि बयनिखुइबो मुंदोंखा अस्कार एवाडआबो अटिटि प्लेटफर्मनि थाखाय माखासे सर्थआव रेहाय होदों। गिबि खेब अस्कारनि खुंगिरि फसंथान एकाडेमि अफ मशन फिक्सार आटर्स एन्ड साइन्सआ मुंलाइ थिसननायनि थाखाय बेबायदि स्ट्रीमिं टाइटेल्फोरखौबो साबसिन



सावथुनि थाखोआव लाफा देरनो गनायथि होदों, जाय खालि अटिटि प्लेटफर्मआवल' रिलिज जानाय। दासिमआव बयनिखुइबो साबसिन थाखोआव मुंथानाय सावथुनआ मुंलाइ थिसननो थाखाय थियेटारआव रिलिज जानांगौआ गोनांथारमोन। करनानि जैनानि जाहोनाव एवाड सेरेमनिखौ गिबियावनो नै दाननि थाखाय दोन्थ'नाय जाखांबाय।

बेबायदियाव बे हाबाफारिया आथिखालाव फैगौ बोसोरनि 25 एप्रिलआव जागोन। बेवहाय जाजुवारी 2020 निफ्राय फेब्रुवारी 2021 नि गेजेराव रिलिज जानाय सावथुनफोरखौ सरजाबनाय जागोन। बे थांखिजों नेटफिलक्सआ बयनिखुइबो बांसिन मुलाम्फा जानो हागौनि आसा दड। बेनि गासै 22 टाइटेल्फोरा अस्कारखौ मोन्यायनि आसा दड।

## दिल्ली-काटरानि गेजेराव लागजारी बासफोर सालायनायनि बिथांखि

गोदान दिल्ली, 4 नभेम्बर : बैण्णब देबी आरो काश्मीरयाव थ्रांरा दावबायारिफोरनि थाखाय मोजां खौरां। सरकारनि यजनाआ हादतयाव गिबि खेव दिल्ली-कटरा एक्सप्रेस-वे सायाव ट्रान्सपर्ट फर लन्डन (टिएलएफ) मडे लआव लागजारी बास सालायनाय बेजो सुबुंफोरा गोलेयैने मोजां बास सिबिथायखौ मोन्ने हागोन। हान्था मेला मावख'नि बिबानगिरिआ फोरमायदों चार लेन दिल्ली-अमृतसार-काटरा ग्रीनफील्ड एक्सप्रेस बेनि



टेन्डरआ फैने गोनां डिसेम्बरनि गिबि सप्ताहयाव खुलिगोन। फैने गोनां बोसोरनिफ्राय एक्सप्रेसनि गोलाव एक्सप्रेस वेयाव 35 हजार कौटि रानि बेसेनया खरसा जागोन आरो

बेखौ 2023 सिमाव फुरा खालामनो थांखि लानाय जागोन। दिल्लीनिफ्राय काटराआव 6 घन्टायावने सौहैगोन। हान्था मेला मावख' आरो टिएएलएल गेजेराव

जानुवारी 2018 याव एमअइउयाव मुं साइनाय जाखांबाय। बेनि गेजेराव सहर ओन्सोलाव ट्रान्सपर्ट नेमखांथि, यजना, टेकनिक, ट्रेन्सफार खालामनाय आरो फसंथाननि गुदि बिथाखौ थियायि खालामनाय जागोन। राइज्योफोरजों लोगोसे लन्डननि दैदेन्यायाव हान्था मेलाखौ सुझांनो थाखाय फ्रेन्साइजी मडे लखौ जागायजेन्नाय जागोन। बे मडे लआ लन्डनआव फुरायै जाफुंसारदों।

## उतखारि दबथायनो फ्रान्सया गोदान आयेन लाबोगोन

पेरिस, 4 नभेम्बर : फ्रान्सया उतखारिनि हेँथाये गोखों थांखि लादों। तुर्कीनि आल्ट्रा नेसनलिस्ट ग्रुप 'ग्रे बुल्वस' नि सायाव होबथानो बाथ्रा फोसावनायनि उनाव आधिखालाव फ्रान्सया मोनसे गोदान आयेनखौ फोसावनो नागिरदों, जायजों मुसलिम हादतफोरजों लोगोसे बेनि जेनाया बांनो हागौ। फ्रान्सनि हादतगिरि इमेनुएल मेक्रानआ गिबियावबो उतखारि बादि सान्नाय-हनायनि सायाव होबथानो थाखाय गोखों आयेन बानायनो बाथ्रा बुंखांबाय। हादत सिंनि मामलानि मन्थि गेराल्ड डर्मिननआ सरकारनि बेबादि



थियायि खालामनायखौ दिन्थिदों। बियो फोरमायदों सरकारआ संसदयाव मोनसे बिलखौ दोन्ने नागिरदों, जाय धोरम आरो आथोनखौ बिथा खालामनायनि सायाव फारागथि खालामनायखौ फुरायै होबथागोन। बिलनि सोमोन्दै खौरां होनानै मन्थि गेराल्डआ

फोरमायदोंदि, जुदि सोरबा हौवाआ आइजो डाक्टरजों फाहामथाय होजानो नेवसिगारोब्ला बियो 5 बोसोरसिम जोबथेसालियाव थानांनो हागौ आरो जुरिमानाबो फोनांनो हागौ। बे बाथ्राया आइजोफोरनि सायावबो गनायथि जायो। जुदि आइजोया

हौवा डाक्टरजों फाहामथाय लाजानो नेवसिगारोब्ला बिजिरनायजों मोगा-मोगिबो जानांगोन। गेराल्डआ बुंबावदोंदि, सरकारआ ओरैबादि सुबुंफोरनि हेँथायेबो गोखोडै बिजिरगोन, जाय बिबानगिरिफोरनि सायाव नर्सिनो आरो फोरोंगिरिनि फोरोंनायखौ बानायना लायाब्लाबो बिजिरनाय जागोन। फ्रान्सनि बेबादि थांखि लानायखौ हेँ था होनायाबो जागायजेनबाय। ससियेल मिडियानाव गोबां मुसलिमफोरा। टु इट खालामनानै फ्रान्स मन्थिनि बेबादि बिबुंथि होनायखौ सावरायलायदों। बिसोरो बुंदोंदि, आइजोफोरा हौवा डाक्टरजों फाहामथाय लायैनि मोनथायदं।

## भारतआव दासिमआव करना बेरामनिफ्राय 76 लाखनि बांसिन सुबुंफोरा मोजां जाफिनबाय

गोदान दिल्ली, 4 नभेम्बर : हादतआव करनानि थासारियाव सोलायनाया फैबाय। भारतआव करनानिफ्राय दासिमआव 76 लाखनिफ्राय बांसिन सुबुंफोरा मोजां जाखांबाय। बेजों लोगोसेनो सांग्रांथि केसआव एखेराहायै खम जादों। भारतआव करनानि बेराम जानाय अन्जिमाया 83 लाखनिफ्राय बांसिन जाखांबाय। मिरुनि गाहाम देहा मावख'नि बायदिब्ला हादतआव थानाय 24 घन्टायाव करनानि 46,254



गोदान केसआ सोराडव फैदों। बे समाव हादतआव करनानो थैनाय सुबुंफोरनि अन्जिमाया 514 जादों। गाहाम देहा मावख'नि बायदिब्ला हादतआव दासिमआव करनानि गासै 83 लाख 13 रोजा 877 केसआ सोराडव फैखांबाय। भारतआव करनानो दासिमआव मोजां जानाय बेरामिफोरनि अन्जिमायावबो एखेराहायै बांदों। गोदान अन्जिमानि

बायदिब्ला हादतआव दासिमआव गासै 76 लाख 56 रोजा 478 सुबुंफोरा करना बेरामनिफ्राय मोजां जाखांबाय। सांग्रांथि के सफोरनि अन्जिमायावबो एखेराहायै खम जादों। भारतआव आधिखालाव 5 लाख 33 रोजा 787 एक्टिभ केस दड। हादतआव करना बेरामजों थैनायनि अन्जिमाया 1 लाख 23 रोजा 611 जाबाय।

## हादतगिरि ट्राम्पनि फिसाज्जाया गनायथावै भारतनि मानसावगारि परट होदों



गोदान दिल्ली, 4 नभेम्बर : आमेरिकायाव बेरामजों जेराव हादतगिरि बिसायख'थिनि फिथायनि सायाव गासिबो नोजोर होदोंब्ला, गुबुन फासैथिजाय ट्राम्पनि फिसाज्जानि मोनसे दुइटजों भारतयाव जेना सोमजिदों। बियो मोनसे जेना गोनां मेपखौ ससियेल मिडियाआव परट खालामदों। ट्राम्पनि फिसाज्जाया बेबादि दुइट खालाम खानायनि उनाव भारतआव जम्मू-काश्मीरनि बारग'सिएम उमर आबुल्ला, कंग्रेस दैदेनगिरि शशी थारुजों लोगोसे गुबुन माखासे दैदेनगिरिफोरा हेँथा होदों। मख'नो गोनांदि, डनाल्ड ट्राम्पनि फिसाज्जाया ससियेल मिडियाआव मोनसे जेना गोनां मेपखौ परट खालामदों, जेराव बियो जम्मू-काश्मीरखौ पाकिस्ताननि बाहागो फोरमायदों। उमर आबुल्लाआ जुनियर ट्राम्पनि दुइटखौ कट खालामनानै लिरदोंदि, ट्राम्प सिनियरजों लोगोसे लोगोनि थाखाय गोबां हाबाफारि मावदों। जुनियरआ भारतखौ गोखोडै जइ बाइडेन आरो कमला हेरिसजों लोगोसे गसहोदों। नाथाय जुनियरआ हमदाना लादोंदि, जम्मू काश्मीर आरो नर्थ इस्टनि जोबथा बाहागोआ भारतनि हेँथा। बेनि थाखायनो ट्राम्पनो भटखौ हागोन।

काठमान्डु, 4 नभेम्बर : भारतीय सान्थिनि गाहाय जेनेरेल मनज मुकुन्द नरवणेआ बुधबाराव 3 सान दावबायनो थाखाय नेपालयाव सौहैबाय। बे दावबायनायाव आर्मि चीफ जेनेरेल नरवणेखौ नेपाल सान्थिनि जेनेरेल बिमुंजों सम्मान होनाय जागोन। नैथि सानयाव आर्मि चीफया नेपालनि गाहाय मन्थि केपी शर्मा अलिजोंबो लोगो ह मगोन। नरवणेनि दावबायनायनि थांखिया दरनै हादतफोरनि गेजेराव जेनाखौ सुझानाय। जेनेरेल नरवणेआ नेपालनि सान्थि जेनेरेल पुर्ण चन्द्र थापानि खावलाइ हरनायनि सायाव नेपालखौ दावबायदों। भारतीय थान्दै मावख'नि बुंथिगिरिआ बुंदों जेनेरेल नरवणेनि दावबायनाया दरनै हादतफोरनि सान्थिफोरनि गेजेराव गोबाव समनिफ्राय सोलिबाय थानाय लोगोनि सोमोन्दो आरो आसार-खान्थिनि सोमोन्दोखौ गोखोंसिन खालामनाय। नरवणेआ गंसे देहा



फाहामसालिनि थाखाय गंसे एम्बुलेन्स आरो फाहामथाय जोन्थोरखौ अन्थोब महरै हागोन। नेपाल सान्थिनि सुबुंनि बादिब्ला भारतीय सान्थि गाहाया बृहस्पतिवार फुडव सान्थिनि पवेलियनयाव मुंखलफोरनि खाम्पायाव बिबार बावगोन।

बिबानगिरिआ बुंदों, सान्थि गाहायनि बे दावबायनाय समाव नेपालनि हादतगिरि बिचा देबी भान्दारी आरो गाहाय मन्थि केपी शर्मा अलिजों लोगो हमनायनि अनगायै माखासे सान्थि नडैआरो सान्थि दैदेनगिरिफोरजोंबो लोगो ह मगोन।

## आमेरिका बिसायख'थिनि भट सान्नायाव डेमक्रेट बिडेनआ आवगायगासिनो दड

वासिंठन, 4 नभेम्बर : आमेरिका नि हादरगिरि बिसायख'थिनि भट सान्नाया खवसे आबुं जाबाय। बारग'लेडाइ हादरगिरि आरो डेमक्रेटिक पार्टिनि हादरगिरि मासिनि बिजाथि जइ बाइडेनआ आधिखालाव आवगाय लांगासिनो दड। रिपब्लिकान बिजाथि डनाल्ड ट्राम्पआबो बांद्राय उन जानानै थायाखै, 538 इलेक्टरेल कलेज सीटआव बाइजेनआ 237 आरो ट्राम्पआ 210 भटखौ मोन्ने हादों। बाइडेनआ गोबां भट मोन्ने थाखाय 33 इलेक्टरेल भटनि गोनांथि जागोन। रिपर्टनि बादिब्ला, ट्राम्पआ मख'जाथाव बेटेलग्राउन्ड राइज्योफोर फ्लरिडा, नर्थ के रलिना, अहाय', पेनसिलभेनिया, बिस्कन्सिन आरो मिशिगानआव आवगायगासिनो दड। गुबुन



फासै बाइडेनआ एरिजना आरो मिनियापलिसयाव आवगायगासिनो दड। बेटेल ग्राउन्डआ बै ओन्सोलखौ बुंनाय जायो, जेराव भटफोरखौ मोन्ने हानाया रोखा जाय। भटनि फिथाइखौ फोसावखानायनि उनाव दाडा-बाजि जानायनि सन्देहबो खालामनाय जादों, जायनि जाहोनआव रैखाथिनि गोखों राहाखौ लानाय जादों।

आमेरिका नि हादरगिरि बिसायख'थिनि सायाव मुलुगनाडे नोजोर होदों। भारतनि थाखायबो बे बिसायख'थिया गोबां मख'जाथाव। मानोना ट्राम्पनि आरो आमेरिका नि सोमोन्दोआ मोजां जादों। बेनि थाखायनो भारतआ ट्राम्पखौ फिन देरहा जानो गोसो जादों।

## हादतगिरिनि बिसायख'थि फिथाया खाथियाव सोफैबाय, जौनि गलायाव गोलाव सारि

वासिंठन, 4 नभेम्बर : आमेरिका हादतगिरि बिसायख'थिआ बे बोसोराव बयनिबो थाखाय जेना गोनां जादों, बियो गोनां खालि राजखान्थियायि हान्जानि थाखायल'नड, बबेखानि बेयो सरासन् सा सुबुंफोरनि थाखायबो। बे जेना गोनां समा 2020 जागायजेनायनिफ्रायनो करना भाइरास महामारिजों लोगोसे जादोंमोन, बेनि उनाव हनेटखौ बुथारनाय, बाइड सुबुं सानखोनि हेँथाये पुलिसनि गाजि आखु, नोगोरिफोरनि गोजोन गैये थासारि आरो आधिखालाव हादतगिरि बिसायख'थि। बेफोर गासैखोबो ज'खालामनानै आमेरिकानि थागिबिफोरनाव जेना माखासे थोजासे जाहोन दड, नाथाय दिने बिसोर गावसोरनि खर'खौ गोजोन खालामनायनि राहा लामाखौबो नागिरनानै मोनबाय। जाय समाव गासै मुलुगानो आमेरिका हादतगिरि बिसायख'थिनि फिथाइनि सायाव नोजोर होनानै दड। बेनि गेजेरजों बयबो आमेरिकानि जौ दकानफोरखौ नागिरगासिनो दड। आमेरिकानि थागिबिफोरा



फैगो हादतगिरिया सोर जागोन बेनि फिथाखौ नेनाने गुगलाव liquor store near me आरो liquor store open near me right now खौ सार्च खालामगासिनो दड। थानाय 24 घन्टायाव बेखौ सार्च खालामनायाव गोबाडे बांदों।

मख'नो गोनांदि, आधिखालाव आमेरिकाआव जौनि दकान नागिरगाफोरनि अन्जिमाया थानाय 5 बोसोरनिखुइ बांसिन। बेनि अनगायै गुगलाव सुबुंफोरा Pizza near me, Fries near me आरो Surhi near me बो सार्च खालामगासिनो दड। बेनि गेजेरजों मक्सकन, चाइनिज फुड आरो आमेरिकानि जोखौनो बांसिनै नागिरगासिनो दड। बेनि अनगायै गुगल ट्रेन्सनि बाइदिब्ला,

49 जौखोन्दो सुबुंफोरा डेमक्रेटिक पार्टिनि बिजाथि बाइडेननि सोमोन्दै खौरां सार्च खालामदों आरो 43 जौखोन्दो सुबुंफोरा हादतगिरि डनाल्ड ट्राम्पनि फासै खौरां लागासिनो दड।

## आमेरिकानि बिसायख'थियाव गुबुन हादतनि आखाइ होनाय फोरमान मोनाखै : इउएस बिबानगिरि

वासिंठन, 4 नभेम्बर : आमेरिका नि ह मलेन्ड सिक्किउरिटिनि एक्टि सेक्रेटारि चेड बुल्फआ बुंदों, 2020 नि हादतगिरि बिसायख'थियाव गुबुनारि हादतनि आखाइ होनायनि जाहोनाव भटफोरा जेना सोमजिदों, बै बाथ्रानि जेबो फोरमान मोन्नाय जायाखै, खौरां एजेन्सि सिन्हुआ पुलपनि गथायनाय




खौरांखौ लानानै बुंदों बिसायख'थिया माखासे गुबुन

जानाडो। चीन, इरान आरो रुसजों लोगोसे माखासे गुबुन हादतनि बोसोनगिरिफोरा गावसोरनि मुलाम्म लानो थाखाय सुबुं तन्त्रनि हाबाफारियाव जेना सोमजि होनो गोसो जादों। नाथाय गाव आधिखालाव गाव रोखा खालामनो गोसो जादोंदि बे खेबनि बिसायख'थियाव गुबुन हादतनि आखाय होनाया गोहोम गोलेयाखै।

हादतफोरनि आखाय होनायनि खैफोदजों मोगा मोगि

असलान हिदायतआ चाइनीज टिभि सिरिजनि बे क्लिपखौ टु इट खालामदोंमोन। बे क्लिपयाव तांग राजबंशनि दरबारयाव सासे आरब थान्दैखौ दिन्थिनाय जादों। बेवहाय आरब थान्दै पैगाम्बर महम्मदनि मोनसे पेन्टिखौ चीननि सम्राटनो गथायनाय नुनो मोन्याय जादों। मख'नो गोनांदि, चीनयाव टिभियाव बेबादि रोखोमै पैगाम्बर महम्मदनि केरिक्कर दिन्थिनायाव सुबुंफोरा गोमोन्दों। ससियेल मिडियाआव पैगाम्बर महम्मदनि केरि के चारखौ बेबादि रोखोमै दिन्थिनायनि हेँथाये बाहायगिरिफोरा सोंथि सोदों। बियो बुंदों बेबादि रोखोमै टिभि श्व'आव पैगाम्बर महम्मदनि पेन्टि दिन्थिनाया इसोरखौ सोंखारिनाय नडा नामा? माखासे बाहायगिरिफोरा सोंथि सोदोंदि, आधिखालाव सिनजिंयागआव उइगर मुसलिमफोरखौ चीनयाव दबथायनायनि गेजेराव बे रोखोमनि टिभि श्व'याव पैगाम्बर महम्मदखौ दिन्थिनायनि उनाव मुलुगनाडेनि मुसलिम हादतफोर चीननि मुवा-बेसादखौ नेवसिगारोन नामा?।

# सिकिमनि बेफोर जायगाफोरा दावबायनायनि थाखाय मोजां



**गोदान दिल्ली, 4 नभेम्बर** : सिकिमनि राजथावनि गेंगटकआ गोबां समायना सहर। हाजो सेर सेरयाव थानाय गोबां न' बिल्डिंफोरा बयनिबो गोसोखौ बोनो हायो। गोबां सुबुंफोरा दावबायनो थाखाय नर्थ इन्डियानि लकेशन्सयाव थाडे। बेनि जाहोना जादों बेवहायनि रुट आरो बाजेद।



(1) गेंगटकआ सिकिमनि गिबि राजथावनिमोन। बे जायगाखौ गोथार जायगा मानिनानै लानाय जायो। बेवहाय मुंदाखा हाजो कान्चनजंघाखौ गाखोनो थाखाय बेस केम्पबो दं। बेवहाय यकयावबो गाखोनो हागोन।

(2) 1 कि:मि: गोलाव आरो दावदै बादि सम्य बिलोया



दावबायारिफोरनि गोसोखौ गोबां बोनो हायो। मे आरो आगस्टनि गेजेराव बे बिलोनि ओन्सोल गोबां समायना जायो। बेवहाय बायदि रोखोमनि फुलफोरखौबो नुनो मोन्नाय जायो। बेवहाय गुलाब बिबार, आइरिस आरो गोमो-गोथां गाबनि बिबारफोराबो दंफा देरो। बे बिलोयाव माखासे दावफोरखौबो नुनो मोन्नाय



## नोंखौ आं हास्थायो

मोजां मोनो आं नों अनजालिखौ फोरमायनो हाया नोंनि सिगाडव फोरमायनो सानो आं नों अनजालिखौ नाथाय मा होनानै फोरमाय बावनो आंनि गोरबोनि अननायखौ दाबो नों सिनायनो रोड माब्ला आजावगोन नों आंनि अननायखौ रायलाया मानो नों आंजों आंनि गोसोआदि नोंखौल मोजां मोननाया जुजायनि अर बायदि दोहो दोहो खामगिल लांजोब्बाय अनजालि नों आंनो एसेबो मानो गुमुर होवा नों मालायनि सिगाडव मानो बेबायदि बुडे अनजालि नाथाय आंहा बिखाया गाबो गुखाया गेवा सना।

**मुसि प्रबाकर नारजारी**  
गामि-7नं आल्फागाव  
जिल्ला-कक्राझार, विटिआर

जायो। मोजा पान्जाखौबो बे जायगायाव नुनो मोन्नाय जायो। गुसु बोथोराव बे बिलोनि दैया लाखा खायो।

(3) नाथु-ला दर्या भारत-चीन सिमनायाव दं। बेनि जौथाया 14,200 फुट। सिकिमआ चीननि तिब्बत ओन्सोलजों सरजाबनाय। बेवहाय दावबायनानै मोजां मोन्दांथिखौ लानो हागोन। उखुन्दैजों



खोबफबना थानाय हाजोफोर, खेंखा-खेंखि लामा, बोहैबाय थानाय झरना आरो लामा-सामाफोरा गोबां मख 'जाथाव। बे जायगायाव दावबाय हैनो थाखाय दावबायारिफोरनाव पारमित थानांगौ।

(4) पेलिं जायगाखौ गोबां दावबायारिफोरा अन्सायदों। 6,800 फुट गोजौयाव थानाय बे जायगानिफ्राय मुलुगनि थामथि



बयनिखुइबो जौसिन हाजो कान्चनजंघाखौ खाथिजों नायनो हागोन। बे जायगाया गोबां समायना पेलिंनि गुबुन गुबुन जायगाफोरा सांगा चड्लिं मनेस्ट्रि, पेमायंगाल्से मनेस्ट्रि आरो खेचियपालरी लेकआ गोबां सुबुंफोरनो गोसोखौ बोनो हायो।

राजथावनि गेंगटकयाव सौहैनो थाखाय रेलजों निड



जलपाइगुडिसिम थानांगोन। बेनिफ्राय लामाजों 4-5 घन्टा दावबायनानै गेंगटकआव सौहैनो हागोन। बागडगरा एयारपर्टनिफ्राय हेलिकप्टारनि गेजेरजों 35 मिनट दावबायनानै बेवहाय सौहैनो हागोन। बेनि थाखाय गिबियावनो बुकिं खालामनांगौ जायो।

## नेनानै दड आं

खुलुमनाय सिबिनाय नाजाव नैबे आंनि लिरनाय दानसेनि उनाव नोंनिसिम आंनि गांसे लाइजामसो; नाजावदों दोंसे खन्थाय महरै। बावगारनो नाजादों रजे नोंडे आंखौ जिउनि लामा ससेनि आंगो लोगोरिखौ, बेनि थाखाय जानो हाया रावदा दायनिगिरि रिफिनायसो बियो खाफालनि खाफालनि फारि फारि। लोगोसेयै जों गारबोनाय घन्टा, मिनट आरो सेकेन्डखौ हायाखे नागारना थानो बै...समफोरखौ; हगारदोंमोन जुथायै बायदि मैया गोसोखां जाथाव दुखु-हांमा, सुखु-रंजा बायदि फावनि भाव। दिन्थिबोबाय गासिबो गसायनि थिनहरनायाव सफैबाय नाथाय आं दिने गुबन राइजोयाव; जोबोद जानगारावसो बे रायजोआ जेराव बुहुमाव सुबुड नुयो जायखौ सिमाडव। दाखालाम नोडे गोसो सोलेरखौ लोरबां नाजागोन मावफुंनो गाहाम हाबा गोबां, सैथो लामाजों बान्थाखौ मोनगोन जेब्ला फोथायगोन अनजालिनि बोसोरखौ अब्ला। आजिरा मोनगोन जेब्ला भावथिना मुलुगनिफ्राय लाबोफा गोसोआव रादाइ, अन्नायनि जलंगा दानाय बिलिरनाय नेनानै दड आं हारसिडै नों फेगोन लामाजों।

**मुसि पबित्र बसुमतारि**  
गामि- सा सिजुगुरी  
जिल्ला- कक्राझार, विटिआर

# रंजालि गथ' फोरनि सौरा

## नोंनि थाखाय

गोसोयाव साननो नोंखौनो लानानै अराय आलो गोजोन संसार जालानो। नाथाय खाफालावबा मा रिफिगोन। हाथासि लामायाव नेनानै दं आं दाबो नोंखौनो फेगौबा जिउ देरानि लानांगोना मोखाडव। नाथाय फेयो नों मानो आंनि जिउनि लानांगोना सेरजों नाथाय मानो मुगैनानै थाफिनखो नों आंनि जिउनि देराखौ। सान्दोंमोन आंनि जिउनि देरायाव खालामनो नोंखौनो इयुन जिउआव नखरनि गारजेन। नाथाय बियो आंनि फेमाल जालांबाय। मोबारै सुफुं बावगोन आं नों आंनि हास्थायसुलि हाबिला गोसोखौ। मा गोदान मिजिनि गोदान सिमां नुबावनो आं। नोंनोमोन आंनि इयुन लामानि फेफिनो नों अनजालु आंनि खाथिया बोजबगोन आं दाबो गोसोगोथारै नोंखौ आंनि बिखा गेजेराव। गाबो बिखा नोंखौ मोजां मोनायाव नाथाय खुगाया गैयामोन नोंखौ लोगो मोनानायाव

**मिस सुमिता नारजारी**  
उमानन्द, हालांबाजार।

## भेगावनि आदार जगायथाय बिफाननि सामलायगिरि गिरिधरखौ बिदायनि बरायदों

**उदालगुरि, 4 नभेम्बर:** उदालगुरि जिल्लानि भेगाव महकुमायाव थानाय 5 बोसोर नाडे गोगो आरुथायजों बिबान सामलायबोनानै थानाय 31 अक्ट'बराव आजिरा मोन्नाय आदार जगायथाय बिफाननि लोगो सामलायगिरि गिरिधर तालुकदारखौ दिने भेगाव महकु मा समबाय समिति गौथुमनिफ्राय हाबाफारि बायदिदियै बिदाय होनायनि मुडाव बरायनाय जायो। दिने टंलानि कु कु रा खातायाव थानाय माजिकुसि समबाय समिति मावख'नि लांगोनायाव भेगाव महकु मा समबाय समिति गौथुमनि आफादगिरि बलेन्द्र बर'नि मासि सामलायनायाव जानाय मेलआव बिदाय होनाय बिबानगिरिखौ आरनाइ, गामसा, मानबिलाइजों मेहेरगोनाडै बरायनाय जायो। बे मेलआव दुलाराय बिटिएडि समबाय समितिनि आफादगिरि भुमिदर राभा, सेउनि समबाय समितिनि

आफादगिरि पुलिन्द्र दैमारि, खैराबारि समबाय समितिनि आफादगिरि नृपेन सरकारजों लोगोसे माखासे बिबानगिरिफोराबो बरायनानै तालुकदारनि गोगो आरुथायै बिबान सामलायनायखौ गोसोखानानै बाखायो। मख'नो गोनांदि, ओन्सोलनि गेजेराव सासे गोगो आरुनि बिबानगिरि महरै मिथिजानाय गिरिधर तालुकदारआ थानाय 2015 माइथायनि डिसेम्बराव भेगाव महकुमा आदार जगायथाय बिफाननि मासिगिरि बिबानखौ सामलायनानै थानाय जानुवारी दानआव बिथांआ लोगो सामलायगिरि मासियाव थिसनजादोंमोन। बेनि उनाव माखासे दानसिम गोजौ बिबाननि मासिखौ सामलायबोनानै उनाव थानाय 31 अक्ट'बरेखालि आजिरा मोनो आरो दिने बिथांखौ मान होनानै समबाय समितिफोरा बरायनाय जायो।

## खौरां बिजों रिपब्लिक टिभिनि गाहाय सुजुगिरि अर्नब गस्वामिखौ थाबैनो हगारनो जेएनि दाबि

**गुवाहाटी, 4 नभेम्बर:** हादतनि गेजेरावनो गुबुन सासे गोखों खौरां बिजों रिपब्लिक टिभिनि गाहाय सुजुगिरि अर्नब गस्वामिखौ हमनाय आरो बिनि नख'रखौ देहायारि साजा होनाय जाथायखौ गोखों रवजों सांखारिदों जर्नालिस्ट एससिएसन अफ आसाम सुंदयै जेए आरो नेसनेल इन्डियन अफ जर्नालिस्ट अफ इन्डिया सुंदयै एनइउजेआइआ। कंग्रेस आरो सिबसेना दैदेन्नाय महाराष्ट्र सरकार गग्लोबनाय महराव सासे गागि खौरां गिरिखौ हमनाय जाथायखौ सुबुं खुंथायनि 4 थि

खुंथियायनि सायाव गग्लोबनाय जाथायखौ गोखों रावजों सांखारिनानै जेएनि आफादगिरि धिरेन्द्रनाथ चक्रवर्ती आरो गाहाय बोसोनगिरि एबा एनइउजेआइनि माहारियारि लेडाइ आफादगिरि भुपेन गस्वामि, गाहाय नेहाथारि दालिम फु कनआ बुडोदि, सिबसेना दैदेन्नाय महाराष्ट्र खुंथायनि समाव सासे खौरां गिरिखौ बेबायदि इनाय गग्लोबनायजों हमनाय जाथाया जोबोद लाजिनांथाव। फारसेथिं खौरां बिजोंनि गोखों गाहाय सुजुगिरि अर्नब गस्वामिखौ हमनाय पुलिसनि हेंथायै गोखों रहा लानो

## गोदान मिजिं : गाव फोथाइथि

गोदान मिजिं गोदान सिमां जोनोम होयोब्ला गोरबो गंसेआव जिउ मोनसेनि। खेंखा-खेंखि लामा हानथिलानांगोन बोस्रानांगोन जेंना सहैनो थांखिसिम गोरले नड गैयाब्ला फोथाइनाय, नाजानाय गोखों गोसोनि बोलो। नोजोर होनानैल' दुलुर बेंखन थांखिनि गावहराब्ला थिर सहैगोन माब्रै बै थांखिनि बेंखनथियाव...?? सुजुनानैल' गोदै सिमां लायाब्ला बिथांखि मावफुंनायनि मोनफुंनोना बै सिमांखौ...?? जेनगोन ना देरहागोन गोनो-गोथो गोसोनि होखारनांगोन गोजानाव फोथाइनांगोन गोसोआव नाजानांगोन हाजासे देरहागोन आरो देरहानांगोनखौ सान्नानै।

**-राजेश बर'**  
गामि- सान्जा हाजिरा, ( बागसा )

## बाक्सानि मुसलपुराव अर खामनानै गंसे गलाया सेवहांगार

**मुसलपुर, 4 नभेम्बर:** बाक्सा जिल्लानि सदर मुसलपुराव अर खामनानै सेवहांगार जादों गंसे गलाया। मुसलपुरनि सुमित्रा स्टर मुनि गंसे फसंथानयाव बे अर खामनाय जाथाया सोमजिदों। बे अर खामनायजों 5 लाख रां खहा जानायनि सन्देह खालामदों। सर्ट सार्किटनि एबा मोब्लिबआरि जोंखानायनि जाहोनाव बे अर खामनाय जाथाया महर मोन्दों होन्नानै जायगानि थागिबि सुबुंफोरा बुंसेलायदों। खौरां मोन्नाय बादिब्ला फुनि समाव

बेरायगलांनो ओंखारनाय सुबुंफोरा बे गला सिडव अर खामनायखौ नुनानै गलानि बिगोमा आरो अर खोमोरग्रा बिफाननो खौरां हरो। लोगो लोगो अर खोमोरग्रा निहान्जाया फे नानै अरखौ खोमोरनो हायोब्लाबो बेनि सिगाडवनो गला सिडव थानाय गासै मुवा-बेसादफोरा खामनानै सेवहांगार जाबायमोन। गलानि बिगोमाया फोरमायनाय बादिब्ला बे अर खामनायजों बाडाइयैबो 3 निफ्राय 4 लाख रांनि मुवा-बेसादफोरा खहा जादों।

## खन्थाइ बिबारनि थामथि बिसाननि थाखाय खन्थाइ लिरबिदां हांखायदों

**कक्राझार, 4 नभेम्बर:** थुनलाइयारि हान्जा खन्थाइ बिबारनि बोसोरारि खन्थाइ लाइसि थामहिनबा खन्थाइ बिबारनि थामथि बिसानखौ दिहुनो थाखाय थिरांथा लानाय जादों। बेनि थाखाय गोदान,

गागि आरो जाखांफु नाय लिरगिरिफोरनिफ्राय बेसेन गोनां खन्थाइ हांखायनाय जादों। गोसो गुदु खन्थाइ लिरगिरिफोरा गाव गावनि सुजुनाय एबा लिरनाय खन्थाइफोरखौ खन्थाइ बिबारनि थामथि बिसान दिहुन्थायाव सेबखानो थाखाय हान्जानि इ-मेल khonthaibibar554@gmail.com आव दैथायहरनो हागोन। खन्थाइखौ बोहैथि नभेम्बर दाननि 20 अक्टनि सिमां दैथायहरनो थाखाय थुनलाइयारि हान्जाया खावलायहरदों। मख'नाय जायोदि, सिगाडव खन्थाइ बिबार 2015 आरो खन्थाइ बिबार 2016 बिसानखौ फोसावखांबाय। बेनि उनाव माखासे एंगार हायै जाहोननि थाखाय मोनथाम बिसान फारियै- 2017, 2018 आरो 2019 आव दिहुन्नाय जायाखैमोन होन्नानै खन्थाइ बिबार हान्जानि गाहाय सामलायगिरि दिपेन चन्द्र बर'आ मिथिहोदों।

## बासुगावआव जिल्ला बिजेपिनि मावफुं मेलआव बिजेपिनि राइज्योयारि आफादगिरि रन्जित दास

बिजेपि दोलोनि राइज्योयारि आफादगिरि रन्जित दासआ । मेलआव बिजेपिनि राइज्योयारि आफादगिरिया बुडोदि, बिजेपि दोलोआ बिटिसिआव लिडारचिफ जानो हायाब्लाबो पार्टनारचिफ जागोन । दिनै बासुगावआव खुंनाव बिजेपिनि जिल्ला मावफुं मेलआव बाहागो लानानै दोलोनि राइज्योयारि आफादगिरि दासआ खौरं बिजॉनि सिगाखव बुडोदि, बे खेबाव बिटिसि सरकार दाफुंनायाव बिजेपि दोलोआ जैरेखि जाया सरकाराव थागोन । मख'नो गोनांदि, गिबि थासारियाव बिजेपि दोलोआ बिटिसिखौ दखल खालामनायनि बाश्रा बुंदेंब्लाबो दिनै हरखव राइज्योयारि आफादगिरिया गावनि बिबुंथिखौ सोलायनानै फोरमायनाय बायदिब्ला बिटिसिआव लिडारचिफ जानो हायाब्लाबो जैरेखि जाया पार्टनारचिफआव थागोन । सान्जौफु समाव खुंनाय मेलआव रन्जित दासआ आरोबाव बुडोदि, बिटिसि बिसायख'थिनि खुंगोन अक्ट'खौ दोसिम फोसावथ'थैआव दोलोआ बिटिसि बिसायख'थिनि थाखाय मेल आफादखौ दासिमबो जागायजेनाखै । नाथाय बिटिसिआव दोलोनि थासारिखौ गोखोंसिन खालामनो रहा लानाय एबा हाबाफारि लानाय जाबाय होन्नानै बुडोे । बिथाड खावनि बिबुंथियाव बुडोदि, बिटिसिआव बिजेपिनि खमैबो 2 लाख सोद्रोमाफोर दङ आरो मोनफ्रोमबो जिल्ला, मन्डल आरो बुट कमिटि थाखोयाव दोलोनि मावथांथि हबाफारिखौ सोलिगासिनो दं । जों बिटिसिआव मोन 26 मासियाव बिजाथि फसंनाय जादों आरो बेजों लोगोसे मोनसे बियाबआव उदां बिजाथिखौ आबुं हेफाजाब होन्नानै मिर्जिथिजानाय बायदि मासिखौ देरहानो हागोन होन्नानै दाबि खालामना बुंबावोदि, जों खौसेथिनि गेजेरजों फैगौ बिटिसि बिसायख'थियाव मोन 21 मासिखौ देरहानो हायोब्ला गुबुन दोलोनि जेबो हेफाजाब नाड खोन्नानै बुडोे । फारसेथिं बिटिसिआव बिपिएफ आरो इडपिपिएल दोलोजों गोरोबथा जानायनि सायाव बिटिसिनि थागिबिफोर थांथिखि लासोव होन्नानै खौरांगिरिनि सोंथि खालामनाय फिनआव बेबायदि बाश्राखौ बुंथियो राइज्योयारि आफादगिरि रन्जित दासआ । बेएफारसेथिं गाबोननिफ़्राय 1 दान नाडै गोबां हाबाफारिनि गेजेरजों बिटिसि बिसायख'थिनि दोलोनि थासारिखौ नायगिदिंनायनि सायावबो आफादगिरिआ मिथिहोयो । फैगौ समनिफ़्राय बिजेपि दोलोनि मोनफ्रोमबो बियाबआव फोसावदिंनाय मेल–मिथिंआव सासे–सासे मन्श्रि, एमएलएफोरखौ बाहागो लानो थाखायबो बिबान होनाय जादों होन्ना बुडोे । बिजेपि दोलोनि बिटिसि ओन्सोलाव हेफाजाब होनाय भयारफोरनि थासारिखौ नोजोर होनानै आफादगिरि रन्जित दासआ बुंबावोदि, बिटिसिआव बिजेपि दोलोआ बे खेबाव डबल डिजित मासिखौ मोन्नो हानायाव जाफुंसारगोन होन्नानै बुंनायजों लोगोसे बिटिसिनि बिसायख'थियाव रइजो–राजाफोरखौ लोगोयाव लांफानानै गुबुन दोलोजों गोरोबथा जानायनि सायाव थांथिखि लागोन होन्नानै मिथिहोबाबो । फैगौ बिधान सभा बिसायख'थियाव सरभग बियाबआव बिजाथि महरै रंगंगोन न हातारखुसि एबा गुबुन जायगायाव बिजाथि जागोन बेनि सायाव दोलोआसो सायख'थोन होन्नानै खौरांगिरिनि सोंथि खालामनायाव बेबायदि बाश्राखौ रोखा खालामोे । कंग्रेस–एआइइडिअए दोलोआ जुथाथै गोरोबलायोब्लाबो फैगौ बिधान सभा बिसायख'थियाव बे मोनै दोलोआ लाथिख'सो मोनगोन होन्नानै बुडोे । गुबुन फारसेथिं मिया मिजजियाम लुफुंन्यायनि सोमोन्दोयाव आफ़दगिरि दासआ बुडोदि, एआइइडिएफनि थांथिखि देखंनायाव कंग्रेसआ सोमोनोदों जेवव कंग्रेसआ मिया रजखान्थिजोंमिया मिउजियामनि आयदाखौ लानानै रजखान्थि खालामनायखौ जागायदों । गुबुन फारसेथिं मुवा–बेसादफोरनि बेसेन बांनायनि सोमोन्दोयाव राइज्योयाव दासान्दि बेसेन बाडखे होन्नानै रन्जित दासआ बुडोे । बे मेलआवनो बिटिसिनि बायजोयाव थानाय बर'फोर बिजेपि दोलोखौ हेफाजाब होनायनि बाश्राखौ रायखानानै रन्जित दासआ बुडोदि, नभेम्बर दाननि जोबथा बाहागोयाव आसामनि राइजो–राजाफोर मिथिनो हागोनादि, बेसेबो दैदेनगिरिफोर बिजेपि दोलोआव हाबफैनो नागिरदों । फारसेथिं कक्राइ़ारनि तुलसिबिआव नुजाथिनाय जाथायनि सोमोन्दोआव रन्जित दासआ बुडोदि, बेबायदि मोनसे नख'शव सुबुंनि खेबसेयैनो जिउ फोजोबना लानाय जाथया भारतनि गुबुन गुबुन जायगायाव नुजाथिखांबाय । मदि सरकार बे कभिडनि समाव गोबां हेफाजाब होगासिनो आरो जाग्रा आदारनि आंखालाव सासेबो सुबुंफोरानो जिउ ख'ह जायाखे होन्नानै दासआ मिथिहोयो । दिनेनि दोलोनि मावफुं मेलआव बिटिसिनि 13 नं चिरां परिषद बियाबनि अलक बसुमतारिजों लोगोसे बिजेपि दोलोनि गोबां दैदेनगिरिफोरबो बाहागो लादोंमोन ।

### गिबि मन्श्रि सनवालआ मुवा–बेसादिनि बेसेन बांनायनि सोमोन्दोयाव

### फालांगि गौथुमनि दैदेनगिरिफोरजों गोनांथारै सावरायदों

आबाद मन्श्रि अतुल बर आरो आदार जगायथाय बिफाननि मन्श्रि पनिभुषन चौधुरिनि बाहागो लानाया बे मेलआव गिबि मन्श्रिआ आसाम सेम्बार्स अफ कमार्ष, कामरूप सेम्बार्स अफ कमार्ष आरो गुबुन गुबुन फालांगि गौथुमनि बिबानगिरिफोरखों राइज्योनि दासान्दि सोलिनाय मुवा–बेसादफोरनि बेसेन खालामना होनायनि सायाव मिथिना लानायजों लोगोसे बेसेन बांनायखौ दबथायनो थाखाय आखाइयाव लानो हानाय रहानि सायावबो सुबुन हांखानाय जायो । गिबि मन्श्रिआ बुडोदि, सुबुंफोरनि आंगोथै बाहायजाग्रा जैरे–आलु, सामब्राम, गोथां मैंग–थाइग्रां, दावदें, थाव गुले बांनायनि बेसेन बांनायनि बेसेन बांनायनि सरसनस्त्रा राइजो–राजाफोर थोजासे सोलिनायाव गोहोम गोरलेंदों आरो सरसनस्त्रा सुबुंफोरनि गेजेरव मोनसे गोजोन्नाय गैथै थासारिया बेरखांदों । बिथाड बुडोेदि, बे थासारियाव सरकार मोनफ्रोमबो बिथिडवनो नोजोर लाखिनो हाया आरो जायखि जाया समावनो बेसेन बांनायखौ दबथायनानै राइजो–राजाफोरनो गहाम बेसेनथिखौ होनांगोन । राइज्योयाव आलु, सामब्राम आरो गोथां मैंग–थाइग्रांफोरजों लोगोसे गोबां बेसादिनि बेसेन आरो फिसा–फिसा बाजारनि बेसेन बारायनायाव समानै गोरोबलायैजों सुबुंफोरा गोहोम गोरलैनायखौ रायखानानै गिबि मन्श्रिआ बुडोदि, फाइकारि बाजारजों लोगोसे लोब्बा लाखिनानै बेसादफोरनि फिसा–फिसा फालांगि खालामनाय आरो बाजारखौ समानै खालामनो नाजानांगोन आरो मुवा–बेसादफोरनि बेसेनखौ बारायनानै ग्राहकफोरखौ खैफोदयाव लानानै थानाय माखासे फाइकारिफोरनि हेंथाथै सरकार गोनांथार रहा लागोन होन्नानै गिबि मन्श्रिआ बुडोे । राइज्योनि गुबुन गुबुन बाजारव मुवा–बेसादिनि थि बेसेनखौ नायसंनातै आरो बेसेन बांनायखौ दबथायनो थाखाय सरकार, खुंथाय आरो फालांगिजों सोमोन्दोे थानाय साफ्रोमबो बिबानगिरियानो बिबान लानांगोन । ग्राहक आरो फानग्रा बे मोनै बिथिडव रैखाथि जानाय बायदि जेंनाखौ समाधान खालामनायनि थाखाय जों खामानि मावनांगोन । दिनेनि जथुमनाय मेलआव बाहागो लानाय फालांगि आफादफोरनि अनगाथैबो बिसोरनि दखलाव थाथै गुबुन गुबुन जैरे स्वर्धिं मल, फालांगि फसंथान बायदि बिबानगिरिफोरजों बेनि सोमोन्दोयाव गाबोन मोनसे गोनां जथुमनो थाखाय गिबि मन्श्रिआ बिफाननि मन्श्रि पनिभुषन चौधुरिखौ बिशोन होयो । फारसेथिं गोथां मैंग–थाइगनि बेसेनखौ सरसनस्त्रा सुबुंफोरनि थाखाय मिथिहोनायनि रहा लानानै थि बेसेननि सोमोन्दोयाव सांग्राथि खालामनो थाखायबो जगायथाय बिफानखौ बिधोन होयो । बे सावरायनायाव बाहागो लानानै फालांगि आफादनि थान्देफोर आलु, सामब्रामजों लोगोसे माखासे मुवा–बेसादफोरनि बेसेन बारायनायनि गुबे बाश्राखौ गिबि मन्श्रिनो फोरमायना होनायजों लोगोसे गाबोननिफ़्राय बेनि फाइकारि दर एबा बेसेनखौ खमायनाय जागोन होन्नानै बाश्रा होयो । फारसेथिं गुवाहाटी नोगोरमानि गुबुन गुबुन जायगायाव माखासे सुबिधा बायदि फाइकारिफोर मुवा–बेसादिनि बेसेनफोरखौ बारायनायनि सायावबो गिबि मन्श्रिनो मिथिहोबावदों । दिनेनि बे जथुमनायाव गिबि मन्श्रिनि मिडिया बोसोनगिरि ऋथिकेस गस्वामि, गिबि मन्श्रिनि आइन बोसोनगिरि सन्तानु बगलि, चिफ सेक्रेटरि जिणु बरुवा आरो माखासे गोजौ थाखोनि बिबानगिरिफोरबो बाहागो लादोंमोन ।

## हादतनि मोन 10 राइज्योफोराव कभिडजों सन्देरजानाय

## केसआ 77 जौखोन्दो आरो थैनाया 80 जौखोन्दो

मोन 10 राइज्योफोराव मोन्नो हादों । बिफाननि सुलुड फोरमायनाय बादिव्ला हादतनि गेजेराव बयनिखुइबो कभिडजों सन्देरजानाय फारिलाइआव केरेला, दिल्ली, महाराष्ट्र, सोनाब बंग बायदि राइज्योफोरानो रायखांजाथाव । बेबादिनो कभिडजों सन्देरजानानै फाहामथाय लानाय समाव जिउ खहा जानाय बांसिन सुबुंफोरनि अन्जिमाया गोजौयाव मख'नाय बेफोर राइज्योयावनो बांसिनै जादों । बेफोर राइज्योफोराव कभिडजों सन्देरजानाय आरो थैनाय सुबुं अन्जिमाखौ दबथायनो एबा होबथानो थाखाय देहा आन्जाद खालामनायाव गोनांथि जानाय टेस्टिं, ट्रेसिं आरो ट्टिटेन्ट बेनि सायाव गोनांथार होनाय जादों । मख'नो गोनांदि, भारतयाव दासिम 83 लाख 16 रोजा 588 सुबुंफोरा कभिडजों सन्देरजानायनि गेजेरव दासिम 5 लाख 34 रोजा 627 एक्टिभ केस दं आरो बिसोरखौ देहा फाहामथाय होनाया हादतनि गुबुन गुबुन राइज्योफोराव सोलिगासिनो दं । कभिडनि हेंथाथै जुजिनानै फाहामथाय लानायनि गेजेरजों दासिम सा 76 लाख 56 रोजा 771 सुबुंफोरा मोजां हालोदआव फैफिन्नो हादों होन्नानै मिरु देहा बिफाननि बिबानगिरि सुलुड मिथिहोदों आरो कभिडजों दासिम सा 1 लाख 23 रोजा 677 सुबुंफोरा जिउ गोमाबाय । मुलुगनि गुबुन गुबुन हादतफोरजों लोगोसे आमेरिकायावनो कभिड–19 जों बयनिखुइबो बांसिन सुबुंफोरा सन्देरजादों । मोनसे सुलुंनि बादिव्ला आमेरिकायाव दासिम कभिडजों सा 850,000 निबो बांसिन गथ'साफोरा सन्देरजादों । आमेरि्कान एकाडेमि अफ फिंडियाट्रिक्स आरो सिल्व्हीन्स हस्पिटाल एससियेसननि मोनसे गोदान रिपर्ट बादियैब्ला । थानाय सपान्हनि 22 निफ़्राय 29 अक्टबरसिम गासै 61,447 गथ'साफोरा कभिडजों बुगिनादों । बेनिनो थानाय अक्टवर दानाव आमेरिकायाव कभिडजों सन्देरजानाय गथ'साफोरनि अन्जिमाया गोदानै 200,000 पजिटिभ केसखौ मोन्नो हादों । रिपर्टआव मख'नाय बादिव्ला जागायजेनायनिफ़्राय लानानै दिनेिसिमनि गेजेराव आमेरिकायाव गासै 8,53,635 गथ'साफोरनि देहायाव पजिटिभ केसखौ मोन्नो हानायजों गासै सन्देरजानाय जौखोन्दोया 11.1 जादों । जन्स हपकिन्स इउनिभासिंस्टिनि सुलुड फोरमायनाय बादिव्ला बुधवारखालि फुंनि समसिम आमेरिकायाव कभिड–19 जों सन्देरजानाय सुबुं अन्जिमाया 9,376,293 पजिटिभ केस जानायजों लोगोसे दासिम सा 232,529 सुबुंफोरा फाहामथाय लानाय समाव कभिडजों जिउ गोमायोे ।

## मैत्रि बिथांखिनि सिडव गोदानै लुफुंनाय जागिरड थानानि भवन बेखेवदों गिबि मन्श्रिआ

बुडोदि, सिगांनि सरकारफोर पुलिसनिफ़्राय सिबिथायल'र नागिरदोंमोन, पुलिसनि माखासे जेंनाजों मोगा–मोगि जानांनायनि सायाव जेबो गोनांथार होयाखेमोन । नाथाय आथिखालनि राइज्यो सरकार मैत्रि बिथांखिनि सिडव आथिखालनि बिगियान आदबजों राइज्योनि पुलिस थानाफोरखौ लुफुंनायनि थाखाय गोनांथार रहा लादों । पुलिस बिफानआ माव बिबानखौ सिनायथि होनो हानायाव जाफुं सारदों । दासान्दि पुलिसआ दायनिगिरिफोरनि हेंथाथै खम–समनि गेजेरवनो गसर आजावना लानानै बिसार एबा बिजिरनाय आरो नायबिजिसंनायनि गेजेरजों थि समावनो दायनिगिरिफोरनि हेंथाथै गोखों साजा होनायनि रहा लानो हादों । आसाम पुलिसआ गुबुन गुबुन बिथिडव रायखांजाथाव जाफुंसारनोबो हादों । बिबान गोनां आरो गोग्गोथै खामानि मावफुंनायनि थाखााय सिगां फारसे आवगायनो हादों होन्नानै गिबि मन्श्रि सनवालआ बुडोे । गिबि मन्श्रिआ बुडोदि, माखासे पुलिस बिबानगिरि–कर्मसारिफोर हादतनि रैखांथिनि थाखाय जिउ बावसोमनानै गावसोरनि आदर्शखौ फसंथानो हादों । दिनें पुलिसआ दायनिगिरिफोरनि हेंथाथै रहा लानायनि थाखाय सांग्रां जादों । बिथाड बुडोदि, आसाम पुलिसनि जौगाथायनि थाखाय दिनें दुलाराय हादतनि गेजेरवनो थुलुंगाखांनाय आरो बाखानायनाय मोन्दों । सरसनस्त्रा सुबुंफोरनि जिउ रैखांथि आरो धोन सम्पति रैखांथि होनायजों लोगोसे आइन आबुथिखौ गोजोरै लाखिनायनि बिथिडव आसाम पुलिसआ गेदेर समाज दाफुंनायनि फारसे बिबान लानानै खामानि मावबोदों । पुलिसआ सरसनस्त्रा सुबुंफोरनि लोगोयारि हिसाबै खामानि मावनांगोन होन्नानैबो गिबि मन्श्रिआ गावनि बिबुंथियाव फोसावो । मरिगाव जिल्लानि पुलिस बिबानगिरि ६० नन्दसिं बरकलाया बराय बिबुंथि लाखिनाय दिनेंनि बे हाबाफारियाव देहा आरो नखर अन्साय बिफाननि राइज्योयारि मन्श्रि आरो जायगानि एमएलए पियुष हाजरिका, आइन आबुथिनि उफ़्रा पुलिस गाहाय साम्थायगिरि जि.पि.सिंआबो बिबुंथि लाखिदों । हाबाफारियाव जौगाथाय निगमनि मासिगिरि आरो एमएलए रमाकान्त देउरि, मायनरिटि जौगाखां बिफान गौथुमनि मासिगिरि ममिनुल आवाल, आसाम पुलिस नख'र निगमनि सामलायगिरि अबिन्द कलिता, गोजौ थाखोनि पुलिस बिबानगिरि, मरिगाव जिल्ला खुंगिरिजों लोगोसे जायगानि माखासे मेलेमजिबि सुबुंफोराबो बाहागो लादोंमोन । दिनेंनि बे हाबाफारियावनो गिबि मन्श्रिआ मरिगाव जिल्लानि पुलिस बिबानगिरि, गागि थुनलाइगिरि ६० नन्दसिं बरकलानि 'खाकि कसाकनि दिनलीपि' मुंनि गांसे लाइसिखौबो बेखेवनानै होयो ।

गिबि मन्श्रि सर्बान्द सनवालआ दिनें सयमाइलआव आसाम मोब्लिब आयगनि गोदानै लुफुंनाय भवनखौ बेखेवनानै होयो । मख'नो गोनांदि, मोब्लिब ग्राहक आरो दिहुन्थाय कम्पानीनिफोरनि मोनै बिथिडव सार्थ'रैखांथिनि थाखाय थानाय 2001 माइथायनि फेब्रुवारी दानाव फसंनाय आसाम मोब्लिब आयगनि गोदानै लुफुंनाय भवननि लुफुंनाय खामानिया थानाय 2017 माइथायनिफ़्राय जागायजेदोंमोन । आसाम सरकारनि लक निर्मान बिफानआ गासै 23.99 कोटि रां बाहायनानै मोनसे आधुनिक महराव लुफुंनानै दिहुन्नाय बे मोनब्रे खोलोबनि भवनाव मेल जथुमग्रा, रेकर्ड खता, लाइब्रेरि, आदालत खता, भिडिअ कन्फ्रेन्स खता बायदिनि खाबुफोर दङ। गोदानै लुफुंनाय मोब्लिब भवनखौ बेखेवना होनानै लाखिनाय बिबुंथियाव गिबि मन्श्रिआ बुडोदि, मोब्लिब बिफानआ जेोनो सोरां जगायथाय होयो । सोरड गोसोखौ गोजोन्थियै लाखियो । बिगियान आदबनि मुगायाव मोनफ्रोमबो बिथिडव मोब्लिबनि बाहायथिया गोनांथार जानानै फैबाय । मोब्लिब बिफानआ जॉनि दारिमिन फोथारजों लोगोसे मोनफ्रोमबो बिथिडववनो जौगानायनि फारसे गोखोडे'खामानि मावबोदों । बेनिखायनो सुबुं समाजखौ जौगाखां होनायनि बिथिडव सिगां फारसे लानानै थानायनि थाखाय बे बिफाननि लुफुंनाय गोदान मोब्लिब भवनआ जोंखौ थोजासे हेफाजाब होनो हागोन । सरकार मोनफ्रोमबो बिथांखिखौ जाहाथे राइजो–राजाफोरनो थि समावनो होनो हायो बे बिथिडव सरकार मोनफ्रोमबो बिथिंखौ गोखों नोजोरजों मावफुंनो आरो जगायथाय होनो बिथिन होनायजों लोगोसे बिबानगिरिफोरखौ खावलायनायबो जादों । दिनें बेखेवनाय मोब्लिब गोदान भवनखौ जोबोद बाडाइ समनि गेजेरावनो गोदान आदबनि गेजेरजों आबुडै लुफुंनो हानायनि थाखाय बिफाननि मन्श्रि ६० हिमन्त बिरव शर्माजों लोगोसे बे लुफुंनाय खामानिजों लोब्बा थानाय बिफाननि गासै बिबानगिरि, कर्मसारिफोरखौ साबायखर जासिनानै गिबि मन्श्रिआ बुडोदि, मोब्लिब आयगनि बे भवनआ राइज्योनि गुदि जौगानायनि मोनसे गोदान सावगारिखौ सिनायथि होगोन । फैबाय थानाय समाव बे भवनआ राइज्योनि मोब्लिब ग्राहक आरो दिहुन्थाय फसंथानखौ जौगाहोनाय आरो रैखांथि खालामनायनि थाखाय मोजां सिबिथाय होगोन होन्नानै मिर्जिथि लाखियो । बे मेलआव रंखांथि बिफाननि मन्श्रि हिमन्त बिरव शर्मायाबो बिबुंथि लाखिदोंमोन ।

## सालबारियाव इउपिपिएलनि हेफाजाबाव बाथौ महासभानि सावराय जथुम

सिबियारिफोर बाहागो लायो । मेलआव इउपिपिएल दोलोनि सालबारि बियाथि बिनादि मुसाहारिया गावनि बिबुंथियाव बुडोदि, बिटिआरआव दासान्दि मोनसे हाथियार उदां समाज सोंजिनो हादों । बे बिथिडव इउपिपिएल दोलो, एबसुजों लोगोसे राइजो–राजाफोरबो जरख बाहोमा होदों । फैगौ सानफोराव बिटिआरआव मोनसे गेनाखान्थि उदां, गोग्गो समाज सोंजिनायनि थाखाय इउपिपिएल दोलोआ सिगांग्रो बिबान लानांगोन । फैगौ सानाव बिटिआरआव मोनसे गोखों सरकार दाफुंनांगोन । लोगोसे गोग्गो समाज दाफुंनायनि बिथिडव साफ्रोमबो मेलेमजिबि सांग्रां सुबुंफोर आरो गुबुन गुबुन हान्जा आफादजों लोगोसे राइजो–राजाफोरा इउपिपिएल दोलोनि जानानै आबुं हेफाजाब होनो थाखाय आवगायबोनांगो । विनद मुसाहारिया गावनि बिबुंथियाव बिटिआरआव मोनसे गोग्गो सरकार दाफुंनायजों आबुं हेफाजाब होनाय साफ्रोमबो मेलेमजिबि सांग्रां सुबुं आरो हान्जा आफादखौ बिबान लानो थाखाय फोसावो । मेलआव दुलाराय बाथौ महासभानि मिरु आफादगिरि हलिराम मुसाहारि, लेङाइ आफादगिरि महन सरयागारि, गाहाय नेहाथारि बसन्त सरयागारि, बोसोनगिरि निलकान्त बर', मावफुं सोद्रोमा मंगलसिं नाज्जरि, गागि खन्थाय थुनलाइगिरि कालिखरन उज्जर, गागि देंखोगिरि भुबनेश्वर महिलारि, एबसुनि दैदेनगिरि रहेन मुसाहारि, इउपिपिएल दोलोनि मिरु दैदेनगिरि कनक चन्द्र बर', सालबारि संगित फायसालिनि गाहाय फोरोंगिरि गजेन बर'जों लोगोसे माखासे गागि सुबुंफोराबो बिबुंथि लाखियो । मख'नो गोनांदि, बे खेबनि बिटिसि परिषद बिसायख'थियाव दुलाराय बाथौ महासभाया इउपिपिएल दोलोखौ आबुं हेफाजाब होगोन होन्नानै मिथिहोयो ।

## वाक्सानि भारत–भुटान सिमना ओन्सोल सुबनखाटायाव लोंग्रा आरो आबादनि थाखाय दैनै जेंना

जायो । नाथाय बे दैनै जेंनाखौ सुसांनो थाखाय दिनेंसिम आसाम सरकारनिफ़्राय जेबो राहा लानायखौ नुनो मोनाखै । जाहोनाव हादतयाव उदांसि मोन्नायनि सिगांनिफ़्रायनो दिनेंसिम बे ओन्सोलनि थागिबि सुबुंफोरा गावबा गावनि सिफिनि रां बाहायनानै भुटान हाजोनिफ़्राय बोहै ख्लायबोनाय फाग्ला दैमानि बिखायाव दफंां दालाय, हाग्रा, अन्थाय, बाला बायदिजों थेनानै दंग'जों दै बोहै होना लोंनाय आरो आबाद फोथारनि थाखाय नांगौबायदि राहा खालामना लानो गोनां जाबोदों । मख'जाथावदि, ओन्सोलनि 2 रोजानिबो बांसिन थागिबि राइजो–राजाफोरा बोसोरनि खेबफ्रोमबो सप्ताहायवनो सानथाम–सानब्रै नाडै गोग्गो लोंनाय आरो आबाद फोथाराव दै जगायनो थाखाय भुटान हाजोनिफ़्राय बोहै ख्लायबोनाय फाग्ला दैमायाव अराय सम दावहा नांनो गोनां जानाया डिजिटेल इन्डियानि लाथिख' सावगारिखौसो नुनो मोन्नाय जादों । मानोना जाय समाव गासै बुहुमानो दिनें गंसे नख'र'बादि जाबाव, गुबुन ग्रहसायाव मानसिया थानो लाबाय लोगोसे बायदि बिगियानारि आदबजों गासै बिथिडववनो दावगानो हमबाय । नाथाय बेबायदि जुगआव दिनेंबो बे ओन्सोलनि राइजो–राजाफोरा दैमानि गिन्ना दैखौ लोंनानै जिउ खानो गोनां जानाया थारै नो दुखु नांथाव । दिनें सुबनखाटा ओन्सोलनि राइजो–राजाफोरा मानसि महरै थानानै थानांगौनि जाय गुबुन हाबाफारि बेफोरखौ नागारनानै लोंनाय आरो आबाद फोथाराव नांगौ रोखोमनि दै जगायनो थाखाय बोसोरनि मोनफ्रोम सानफोरावनो लोंग्रा दैनिल' बाश्रा सान्नो गोनां जादों । बे फाग्ला दैमायानो सुबनखाटा ओन्सोलनि थागिबि सुबुंफोरनि थाना थानायनि जिउ रैखांथिगिरि होन्नानैबो बुंजायो । मानोना बे फाग्ला दैमा गैयाब्ला ओन्सोलनि सुबुंफोरा थानानै थानाय बेलायाव एबा जिउ खां राहायाव गोब्राब जेंना जागोन । मख'जाथावदि, आबाद फोथाराव नांगौ रोखोमनि दै जगायनो थाखाय दैमानि बिखाजों बोहैनाय गोखों दाहारनि दैखौबो नेवसिनानै ओन्सोलनि सुबुंफोरा दैमानि बिखायाव बान्दो थैहै नो गोनां जायो । जाहोनाव माब्लाबा समाव दैमानि दै दाहारजों खायसे सुबुडा बुखारलांजानोबो गोनां जाबोदों । बेनि अनगाथैबो मेसें बोथोर सौफैनाय लोगो लोगो बे दैमानि दैया गोबां रोखोमै रानलांनारनि जाहोनाव ओन्सोलनि सुबुंफोरा लोंनाय दैनै जेंनायावबो गोबां रोखोमनि जेंनायाव गोग्लैनो गोनां जादों । थेवबो राइजो–राजाफोरा गावबा गावनि गोसोखौ दाद खालामना गावबा गावनि सिफिनि रां खरसा खालामना फाग्ला दैमाखौ थेनानै दै लाबोआब्ला बे ओन्सोलनि राइजो–राजाफोरा लोंनाय दै आरो आबाद फोथाराव दै जगायनायाव गोबां गोब्राब जायो । जाहोनाव बोसोरनि मोनफ्रोम सप्ताहायवनो सान्नै–सानथाम नाडै बान्दोनि खामानियाव नांथावनो गोनां जायो । नोजोर होनो गोनां बाश्रादि, समान जौगाथाय, समान मोन्थायनि स्लगान होग्रा आथिखालनि बिजेपिनि दैदेन्नाय राइज्यो सरकारआ बे बिथिडव मा राहा लायो बेसो नोजोर होथावना जागोन आरो फैगौ समाव मा राहा लागोन बेखौ समासो खिन्थासिगोन ।

## सालाकाटिआव आइजो बिपिएफनि बिसायख'थि फोसावदिंनाय मेल

गोखोंसिन खालामनाय नुनो मोन्दों । बे बिथिडव उनफिन्नानै थायाखै 12 नं सालाकाटि परिषद बियाबआवबो । दिनें सालाकाटिनि हरिगावआव आइजो बिपिएफनि मोनसे गेदेर सुबुं मेलखौ खुंनाय जायो । बे फोसावदिंनाय सुबुं मेलआव बाहागो लायो आसाम सरकारनि मन्श्रि चन्दन ब्रह्म, बिपिएफनि गागि दैदेनगिरि एबा आसाम सरकारनि समाज अन्साय बिफाननि मन्श्रि प्रमिला रानि ब्रह्म, तामुलपुर बिपिएफनि आफादगिरि केशब रजबंसि, 12 नं सालाकाटि बियाबनि बिपिएफ दोलोनि बिजाथि देरहासाद बसुमतारि, नारायनि बसुमतारिजों लोगोसे माखासे दैदेनगिरिफोरा । गोबां सुबुंफोरा बाहागो लानाय बे आइजो बिपिएफनि बान्जायनायाव खुंनाय फोसावदिंनाय सुबुं मेलआव मन्श्रि चन्दन ब्रह्मआ फैगौ बिटिसि बिसायख'थियाव देरहासाद बसुमतारिनि देरहानाया रोखा होन्नानै बुडोे । फारसेथिं सोलिफु दाननि फैगौ 15–16 अक्टनि गेजेरावनो बिटिसि बिसायख'थि खुंगोन अक्टखौ थि खालामनानै बिटिसि बिसायख'थिया जाफुं सारगोन होन्नानै बिबुंथियाव मन्श्रिआ बुडोे । बे मेलावनो चन्दन ब्रह्मआ इउपिपिएल दोलोनि आफादगिरि प्रमद बर'खौ फारसेनिफ़्राय सावरायनानै बुडोेदि, बिटिसिआव गेना खान्थिनि अजद खालामनानै नंखाय राजखान्थि खालामनाया जोबोद दुखुनांथाव । लोगोसे अरुनदय बिथांखिनि सोमोन्दोयाव मन्श्रिआ बुडोदि, अरुनदय बिथांखि, कनकलता आइजो जौगाखां सेल्फ–हेल्फ ग्रुफ बायदि बिथांखिखौ मावफुंनायनि मुडाव इउपिपिएल दोलोआ जैरेबायदि फोसावदिंदों बेयो थारैनो आंथि गैया । मानोना बे बिथांखि मावफुंनायनि गोहोया जायगानि एमएलए आरो मन्श्रिनि आखायावसो दं होन्नानै ब्रह्मआ बुंथियो । फारसेथिं एसटि खालामनायनि थांखियाव राजबंसिफोरखौ एसटि खालामोब्ला समान मोन्थायखौ मोन्नो हागोन होन्नानैबो गावनि बिबुंथियाव रायखाडो मन्श्रिआ । बे मेलआव बिपिएफनि आफादगिरि हाग्रामा महिलारियाबो गावनि बिबुंथियाव बुडोदि, बिटिसि बिसायख'थियाव देरहानायनि उनानो बिटिसि ओन्सोलनि हा गैजायै सुबुंफोरनो हानि पाट्टा रानानै होनाय रथाखौ खालामगोन होन्नानै बुंथियो ।

## 14 नं चिरां दुवार बियाबाव सोलायनायनि मुडैः इउ पि पि एलनि हान्जा सुरनाया गोजोनै जोबलांबाय

सोलिबोदों । गुबुन बियाबफोराव बान्जायबोनाय बादिनो 14 नं चिरां दुवार बियाबआवबो इउ पि पि एल हान्जाया बियाबनि सिडव थानाय दाब दाब जायगा आरो गामि ओन्सोलफोराव थानाय 25 अक्टबरनिफ़्रायनो आर्थिजों हान्जा सुरनाय आरो साइकेल रेलि खालामनायखौ बान्जायबोदों । बेबादिनो 14 नं चिरां दुवार बियाबआव हान्जा सुरनाय हाबाफारिखौ 25 अक्टबरखालि बियाबनि सिडव थानाय लाइमुथि बाजारनिफ़्राय जागायदोंमोन । थाद'नाय गैयाजासे सोलिबोगासिनो थानायनि उनाव दिनें 4 नभेम्बरखालि आर्थिजों हान्जा सुरनाय बे सोलायनायनि मुडै हान्जा सुरनाय हाबाफारिखौ जागायजेनाय जायगायाव फोजोबबाय । बरेबखानि दिनें लाइमुथि ओन्सोलाय साइकेल रेलि खालामनो गोनांमोनब्लाबो गामि सिंफोराव हान्था–मेला एबा लामानि जेंनानि जाहोनाव लोगोसे राइजो–राजाफोराबो आर्थिजों थाबायनानै हान्जा सुरनो गोसो जानायलाय साइकेल रेलिनि जायगायाव आर्थिजों हान्जा सुरनायजों बे हाबाफारिखौ फोजोबनाय जायो । दिनें हान्जा सुरनायनि जोबथा सानखालिबो 14 नं चिरां दुवार बियाबनि इउ पि पि एलनि बिजाथि रन्जित बसुमतारिआ बाहागो लानानै बे हान्जा सुरनायखौ दैदेन्दोंमोन । बुब्लियावनो बिथाडा गावनि बिबुंथि लाखिनाय समाव इउ पि पि एलआ सरकार दानायनि उनाव चिरां दुवार बियाबाव गिबियै आबाद आरो सोलोंथाय बिथिडव खामानि मावजेनगोन होन्नानै बुंथियो ।

## दिमाकुसियाव बेगें जिबखिनि थ्रै गात्रि जानाय सिनायथिनाय हाबाफारिया जागायजेनबाय

जिल्लानि दिमाकुसि आरो पानेरि देहा मिरुनि सिडव गामिफोरखौ सायख'नानै देहानि बेगें जिबखिनि थ्रै गात्रि जानायनि सिनायथिनायनि थाखाय दिमाकुसि आरो पानेरि देहा मिरुआव बेसेन नाडै आन्जादिनि रहा खालामनाय जादों होन्नानै मिथिहोयो । हाबाफारियाव गाहाय आलासि महरै पानेरि बियाबनि एमएलए कमलि बसुमतारिया देहा गोनां गथ'सायासो रैखाथि आरो गोखों समाज दानो हायो होन्नानै राइजो–राजाफोरखौ थुलुंगाखां होनाय बिबुंथिजों बे बेसेननाडै आन्जादिनि खाबुखौ लानो थाखाय फोसावो । उदालगुरि जिल्ला फोनांजाब देहा सामलायगिरि ६० तयबुर रहमान, भेरागाव महकुमा बेंगिरि गकुल चन्द्र ब्रह्म, देहा बिबानगिरि ६० अनिल देका आरो माखासे बिबानगिरिफोराबो बाहागो लानानै दिमाकुसि आरो पानेरि देहा मिरुनो देहा आन्जाद खालामनायनि बेसादफोरखौ रानानै होयो ।



## फैगौ सिजननि आइएसएलआव खेब 115 मेच गेलेगोन 20 नभेम्बरनिफ्राय गवायाव आइएसएलनि मेचया जागायजेनगोन

**पानाजी, 4 नभेम्बर:** फुटबल स्पर्टस डेभलपमेन्ट लिमिटेड सुंदर एफएसएलआव फैगौ 7 थि सिजन इन्डियन सुपार लीग (आइएसएल) नि गिबि राउन्डआव गासै मोन 11 हान्जाफोरनि मेच गेलेगोनखौ फोसावनानै होबाय। मख'नो गोनांदि, हादरनि गेजेराव कभिड-19 नि गोसारनाय थासारनि गेजेरावबो फैगौ बावैसो साननिफ्राय गवा राइज्योनि फुटबल फोथारआव खुंनो थाखाय बे समाव गोखोडे साखा-फारा जादों। बे सिजननि आइएसएलनि गेलेनाया सोलिफु नभेम्बर दाननि फैगौ 20 अक्टनिफ्राय गवा राइज्योनि मोनथाम फुटबल स्टेडियमफोर जिएमजि स्टेडियम बाम्बलिम, जेएल नेहरु स्टेडियम आरो तिलक मैदान स्टेडियमआव गेलेगोन। दासान्दि हान्जाफोरा बाहागो लानो साखा-फारा जानायनि गेजेरावनो थानाय माखासे सान सिगाडव सोनाव बंग राइज्योनिफ्राय गुबुन मोनसे हान्जा एससि इस्ट बंगल हान्जाया गिबि खेब बाहागो लागोन। हादरनि गेजेरावनो गुबुन मोनसे गोजामसिन फुटबल क्लब इस्ट बंगलआ बे सिजननि आइएसएलआव गेलेनो थियारि जानायनि गिबि मेचखौ फैगौ 27 नभेम्बरखालि एथलेटिक' डि कलकाता महन बागाननि हंथायै मोगा-मोगि गेलेगोन। बे मेचखौ तिलक मैदान स्टेडियमआव गेलेनाय जागोन। हादरनि अनगायैबो



मुलुगनि गेजेरावनो मिबथिसार जानाय इन्डियन सुपार लीगआ गुबुन बोसोरनि खुंजाबोनायाव नायग्रा सुबुफोरनि आबु हेफाजाबखौ मोन्नो हाबोदोंब्लाबो नाथाय बे सिजननि आइएसएलखौ भारतनि गवा राइज्योआव खुंनो थाखाय थांखि लादों। आइएसएलनि गिबि मेचखौ 20 नभेम्बरखालि एटके महन बागान क्लब आरो केरेला ब्लास्टर्स एफसिन गेजेराव गेलेगोन। मोनसे सुलुनि बादिब्ला, बे सिजननि आइएसएलआव गासै मोन 115 मेचफोरखौ गेलेगोन। अदेबानि थानाय सिजनआव हान्जाफोरनि गेजेराव गासै 95 मेचखौ गेलेदोंमोन। गुबुन फार्सेथि बे सिजननि नैथि मेचखौ थानाय सिजननि आइएसएलखौ देरहानाय एफसि गवाआ बेंगलुरु एफसिन हंथायै मोगा-मोगि गेलेगोन। थानाय सिजन आइएसएलनि मेच गेलेनायखौ नुनो मोन्नायै गोबां सुबुफोरा

गोजोन्नाय फोरमायदोंमोन। नाथाय बे सिजननि आइएसएलनि गेलेनायखौ स्टेडियमआव नुनो मोनगोन ना मोना बेनि सायाव दासिम रोखा जायाखै। आइएसएल खुंफुं आफादनि सुलुडा मिबथिहोबावनाय बादिब्ला, गुबुन मोन 55 मेचफोरनि

गेलेनाय अक्टखौ फैगौ डिसेम्बर दानआव फोसावनाय जागोन। थानाय सिजननि आइएसएलआव माखासे हान्जाफोरा गोखौ गेलेनायै टप-4 आव जायगा लानो हादोंमोन। नाथाय बे सिजनआव हान्जाफोरनि गेलेनायखौ आरोबाव गोखौसिन नुनो मोनगोनखौ मिजिथिदों।

## लियनेल मेसिआ मुलुगनि साबसिन गेलेगिरि: कच रनाल्ड

**बासिलना, 4 नभेम्बर:** बासिलना क्लबनि बारा' कच किउकिउ सेटेनआ बुडोदि, लियनेल मेसिआ मुलुगनि गेजेराव सासे गोब्राब प्लेयार। बेजों लोगोसे हान्जानि कच रनाल्ड किउमेनआबो लियनेल मेसिखौ मुलुगनि साबसिन फुटबलार होन्नायै फोरमायदों। दासान्दि आर्जेन्टिनानि गोखौ गेलेगिरि लियनेल मेसि आरो कच रनाल्डनि गेजेराव मोजां सोमोन्दो दं आरो सान्नाय-



हनाया गोरोबलायो। 33 बोसोर बैसोनि लियनेल मेसिआ थानाय आगस्ट दानआव बासिलना क्लबखौ नागारनो थांखि

लानायनि उनाव माखासे जेनाया समाधान जानायनि गेजेरजों फिन बोसोरसे बासिलना क्लबआव गेलेबावनो गोरोबथा जायो आरो दासान्दि रनाल्डनि कच महरै बिबान सामलायनायाव लियनेल मेसिआ हान्जाखौ दैदेनगासिनो। रनाल्डआ बुडोदि, माखासे बारा' फुटबलारफोरा लियनेल मेसिखौ बे समाव गेलेनायाव हान्जाखौ कन्टल खालामनो हायाखै होन्नायै बुदों। नाथाय लियनेल मेसिआ सासे जाफुंसारनाय फुटबलार जानानै दं आरो बिखौ आं अराय सम मान होयो होन्नायै बुडो। मख'नो गोनांदि, थानाय समनि सेम्पियन्स लीगनि मेचखौ देरहानो हानायनि उनाव बासिलना क्लबआ बुधवारखालि लीगनि मेचखौ डाइनाम' केइभनि हंथायै मोगा-मोगि गेलेगोन।

## सेम्पियन्स लीगनि मोन 14 मेचखौ फारियै देरहानो हानानै बेयार्न मिउनिकनि मोनसे गोदान रेकर्ड

**लन्डन, 4 नभेम्बर:** थानाय सिजननि सेम्पियन्स लीगखौ देरहानो हानानै मुलुगनि साबसिन आरो गोखौसिन गेलेगिरि महरै मिबथिसार जानाय बेयार्न मिउनिकआ बे समाव गेलेबोनाय फारियै मोन 47 मेचफोरनि गेजेराव मोन 43 मेचखौ देरहानो हादों। अदेबानि मोन 14 मेचफोरखौ फारियै देरहानो हानाया गोदान रेकर्ड जादों। सेम्पियन्स लीगनि थानाय हरनि समाव गेलेनाय मोनसे मेचखौ मिउनिक क्लबआ 6-2 गलनि फारागथियाव सालबार्ग क्लबखौ गोलेनै फेजेन्तो हायो आरो फारियै मोन 14 मेचफोरखौ सेम्पियन्स लीगनि गेलेनायाव देरहानो हानाया रेकर्ड जानानै थायो। मिउनिक क्लबनि जानानै गेलेगिरि जशुवा किमिन्सआ हान्जानि देरहानायाव गोनांथार बिहोमा होनो हादोंमोन। मोनसे समाव मोननैबो क्लबनि गेजेराव 2-2 गलजों समान जादोंमोन। नाथाय गेलेगिरि जेरम बाउतेआ गलखौ होनो हानानै आवग्रिनो हानायजों उननि समाव गेलेगिरि र्खाट लेवेन्डस्कीआबो गलखौ होनो हायो आरो लुकास फर्नान्डिसआबो खाबु मोनयाव गलखौ होनो हाबावदोंमोन। दासिम सेम्पियन्स लीगनि ग्रुप एनि गेलेनायाव मोनथाम मेचफोरखौ देरहानो



हाजोबनायजों पइन्टनि फारिलाइयाव सेथि जायगाखौ आवग्रिनो हायो। बेयार्न मिउनिकआ थानाय सिजनआव गोबां टुफोफोरखौ देरहानो हानायजों लोगोसे बे सिजननि

गेलेनायावबो दासिम गोखौ गेलेनो हानायजों देरहानायनि लामायाव थांगासिनो। गुबुन फार्सेथि सेम्पियन्स लीगनि गेलेबावनाय मोनसे मेचखौ पर्ट क्लबआ मार्सेली क्लबखौ फेजेन्तो हाबावनानै पइन्टनि फारिलाइयाव आवगायनो हादों। बेबादिनो दासान्दि सेम्पियन्स लीगनि गेलेनायाव गुबुन गुबुन गोखौ गेलेनो हानाय हान्जाफोरनि गेलेनायखौ जेन्नाय आरो देरहानाय नुनो मोन्दों।

## प्लेअफ मेचनि थाखाय क्वालिफाइ जानो हायैजों केकेआरनि सिमाड फेल्ले

**दुबाइ, 4 नभेम्बर:** इउनाइटेड आरब इमारेट सुंदर एइएडनि मोनथाम क्रिकेट स्टेडियमआव दासान्दि फारियै सोलिबाय थानाय 13 थि सिजन इन्डियन प्रिमियार लीगनि मेच गेलेनाया फैगौ बावैसो साननि गेजेराववो थुंगेसिगोन। आइपिएलनि मेच गेलेनाया बावैसो समनि गेजेराववो जोबनायनि सिगांनो दासिम मोनब्रै हान्जाया प्लेअफ राउन्डआव सौहैखांबाय। प्लेअफ राउन्डआव सौहैनो हानाय हान्जाफोरनि मुडा फारियै-मुम्बाइ इन्डियान्स, दिल्ली केपिटेल्लस, रयेल सेलेन्जार्स बंगालर आरो सानराइजार्स हाइद्राबाद। बेफोर



मोनब्रै हान्जानि गेजेराव प्लेअफ राउन्डनि गोनां मेचफोरखौ गेलेगोन। अदेबानि मोनसे हान्जाया मोननै-मोननै प्लेअफ मेचखौ गेलेगोन। जाय हान्जाया मोननै मेचखौ देरहागोन बे हान्जायानो बे सिजननि

आइपिएलनि थाखाय फाइनाल गेलेनो खाबु मोनगोन। गुबुन फार्सेथि मैया आइपिएलनि जोबथा लीगनि मेचखौ मुम्बाइ इन्डियान्स आरो सानराइजार्स हाइद्राबादनि गेजेराव गेलेनाय मेचनि फिथाइया रोखा जानाय

लोगो लोगो कलकाता नाइट राइडार्स एबा केकेआर हान्जानि प्लेअफ राउन्डआव क्वालिफाइ जानाय सिमाड थोंजोडे फेल्ले जायो। केकेआरआ मैया गेलेनाय मेचखौ जुदि रहित शर्मानि दैदेन्याय मुम्बाइ इन्डियान्स हान्जाया हाइद्राबादनि हंथायै देरहायोमोनब्ला प्लेअफ राउन्डआव सौहैनायनि खाबु दडमोन। नाथाय बे मेचखौ मुम्बाइ इन्डियान्सआ जेन्नायाव सानराइजार्स हाइद्राबादआ थोंजोडे प्लेअफ राउन्डआव सौहैनो हायो। 2016 माइथायाव आइपिएलखौ देरहानाय हाइद्राबाद हान्जाया नांथाब नाजानि गेजेरजों

## शिलं लाजं एफसि एकाडेमिनि सोलोंसा पुर्व लासेनफाया मुम्बाइ सिटि एफसिजों रादाय खालामबाय

**गोदान दिल्ली, 4 नभेम्बर:** सोलिफु बोसोराव खुंजांनो गोनां हादरनि मुंदांखा फालांगियारि फुटबल टुर्नामेन्ट थामहिनबा इन्डियन सुपार लीगनि थाखाय दासान्दि गासै हान्जाफोरनो साखा-फारा जागासिनो। बुब्लियावनो लीगनि गुबुन मोनसे हान्जा मुम्बाइ सिटि एफसिआ शिलं लाजं एफसि एकाडेमिनि सोलोंसा गल क्वालिफाइ मोन गल क्वालिफाइ लासेनफाया मुम्बाइ सिटि एफसिजों 2024 सिमनि थाखाय गोरोबथा खालामदों। लासेनफाया शिलं लाजं एफसि एकाडेमिनिफ्राय फुटबल गेलेमुनि ग्रेजुएट खालामदोंमोन आरो बियो 2015 आव मेघालयनि मोनसे फुटबल क्लबआव जइन्ट जादोंमोन।



अदेबानि बेनि सिगां लासेनफाया 2019 आव रियेल काश्मीर क्लबजों गोरोबथा खालामनानै आइ लीगआव मोन 24

मेचफोराव गेलेखांबाय। मुम्बाइ सिटि एफसिजों गोरोबथा खालामखांनयनि उनाव लासेनफाया बुंदोंदि, बेयो आंनि

थाखाय जोबोद देरगाथाव। आंनि गुबुन मोनसे केरियारखौ मुम्बाइ सिटि एफसिजों गेलेनो खाबु मोनसिगोन। आं मिबथिगौ सिगां फार्से आवगायलानो थाखाय गोब्राब खामानि मावलांनगौनि गोनांथि दंबावो। बेनि थाखाय आंनि हान्जानि सेनियर गेलेगिरिफोरजों सोलोंथाय मोनलांनखौ मिजिथियो। बे खेबनि आइएसएलआव मुम्बाइ सिटि एफसिन थाखाय साबसिन गेलेनायखौ दिन्थिनो नाजगोन होन्नायै पुर्व लासेनफाया फोरमायबावो।

## भारतनि बेडमिन्टन गेलेगिरि अजय जयराम आरो लक्य सेनआ हादत फार्से गिदिंबोफिनबाय

**गोदान दिल्ली, 4 नभेम्बर:** भारतनि बेडमिन्टन गेलेगिरि अजय जयराम, लक्य सेन, सुवांकर दे आरो बिसोरनि साथाम फोरंथाय होग्रा आरो देहा नोजोर लाखिग्रा बिबानगिरिफोरा मंगलबारखालि जार्मानी हादरनिफ्राय भारत फार्से गिदिंबोफिनबाय। दिने बेनि सायाव भारतनि बेडमिन्टन आफादआ मिबथिहोदों। बिसोर साथाम भारतनि गेलेगिरिफोरा सालारलक्स अपेनआव बाहागो लानो एबा गेलेनो थाखाय जार्मानी हादरआव थानोंमोन। अदेबानि दावबायलानाय समावनो भारतनि गेलेगिरि लक्य सेननि देहायाव कभिड पजिटिभ के सखौ मोन्नायनि उनाव टुर्नामेन्टआव बाहागो लागोनखौ बोखानानै लाफिनो। भारतनि बेडमिन्टन आफादआ मिबथिहोनाय बादिब्ला, बिसोर साथाम बेडमिन्टन गेलेगिरिफोरखौ पजिटिभ रिपर्ट मोन्नाय लोगो लोगो जार्मानीआव गासै 5 सान लाखियाव जादोंमोन। अदेबानि क्वारेन्टाइनआव थानानै समखौ आबु खालामनायनि उनाव थोंजोडे हादर फार्से गिदिंबोफिनो। क्वारेन्टाइननिफ्राय आंखारनायनि सिगां बिसोर साथाम गेलेगिरिफोरखौ फिन कभिड टेस्ट खालामनाय जादोंमोन आरो देहायाव कभिडनि जेबो लोखोन मोन्नो हायैजों गावनि हादर फार्से फैफिनो गनायथि मोनो।



भारतनि बेडमिन्टन आफादआ बुंनय बादिब्ला, साथाम गेलेगिरिजों लोगोसे हेफाजाब होग्रा बिबानगिरिफोरा मंगलबारखालि भारतआव फैनायनि थांखिजों जार्मानीनिफ्राय फैफिनगासिनो। मख'नो गोनांदि, गुबुन हादरनि

हायाव खुंनय बेडमिन्टन बादायलायनायाव बाहागो लानो थानाय समावनो बिसोर साथाम गेलेगिरिफोरा कभिड सन्दरजानायनि सिगां हादरनि थांखिजों गिदिंबोफिनो रिपर्टखौ मोन्नो हादोंमोन।

## मनिपुरनि रन्जिता देबि आरो मेघालयनि रियलां धरआ फिफानि इन्टारनेसनल रेफारि महरै थिसन जाबाय



**डुम्फल, 4 नभेम्बर:** मुलुगनां फुटबल गेलेमुआव सा-सान्जा भारतनि थाखाय मोनसे देरगाथाव बाभ्रा। मनिपुरनि रन्जिता देबि आरो मेघालयनिफ्राय रियलां धरमोनहा फिफा इन्टारनेसनल रेफारिनि थाखाय क्वालिफाइ जानो हाबाय। फिफाया इन्टारनेसनल रेफारिनि थाखाय क्वालिफाइ जानायफोरनि फारिलाइखौ बावैसो सानफोर सिगां फोसावदों। बेबादिनो रन्जिता देबिआ रेफारि महरै सायख'जानो हादों। एरहाय रियलां धरआ लोगो रेफारि महरै सायख'जानो। मख'नाय जायोदि, आधिखालआव रियलां धरआ मेघालय पुलिस बिफानआव सासे कनस्टेबल महरै खामानि मावगासिनो। बियो मेघालयनिफ्राय फिफा इन्टारनेसनल रेफारि जानो हानाय गिबि आइजो जानो हादों।

इन्टारनेसनल रेफारिनि थाखाय क्वालिफाइ जानायफोरनि फारिलाइखौ बावैसो सानफोर सिगां फोसावदों। बेबादिनो रन्जिता देबिआ रेफारि महरै सायख'जानो हादों। एरहाय रियलां धरआ लोगो रेफारि महरै सायख'जानो। मख'नाय जायोदि, आधिखालआव रियलां धरआ मेघालय पुलिस बिफानआव सासे कनस्टेबल महरै खामानि मावगासिनो। बियो मेघालयनिफ्राय फिफा इन्टारनेसनल रेफारि जानो हानाय गिबि आइजो जानो हादों।

## करना भाइरास गोसारनायाव बोथोरनि जेबो गोहोम गैया

**हयुस्टन, 4 नभेम्बर:** भारत-आमेरिकानि सदानगिरिफोरनि सामलायनायाव आन्जाद नायनायाव दाबि देखांनय जादोंदि, करना भाइरास गोसारनायाव बिदुड जेबो गोहोम खोख्लैयाखै। करना भाइरासनि इनफेक्सना सासे सुबुनिफ्राय गुबुन सासे सुबुनाव बारदेरनाया सुबुनि आखुनि सायाव सोनारा। नाथाय गरम बोथोर आरो गुसु बोथोरनि सायाव सोनारा। बोथोरा बेबादि थासारिखौल' गोहोम खोख्लैयो जेराव करना भाइरासआ सोरबा गोदान सुबुखौ इनफेक्सन खालामनायनि सिगां गोथाडे थानानै थायो। बिगियानगिरिफोरा मार्चनिफ्राय जुलाइ 2020 नि गेजेराव आमेरिकानि गुबुन गुबुन ओन्सोलफोर, हादतफोर आरो मुलुगयारि थाखोयाव करना भाइरास गोसारनायखौ नायबिजिदों। काउन्टि आरो राइज्योनि थाखोयाव सदानगिरिफोरा मबाइल फन डाटाखौ बिथा खालामनायनि सायाव थालाय-फैलाय खालामनायनि सायाव हमदांन लाना करना भाइरासनि गोसारनाय आरो सुबुथिनि आखुजों सोमोन्दो थानायखौबो नायबिजिदों।

इन्टारनेसनल रेफारिनि थाखाय क्वालिफाइ जानायफोरनि फारिलाइखौ बावैसो सानफोर सिगां फोसावदों। बेबादिनो रन्जिता देबिआ रेफारि महरै सायख'जानो हादों। एरहाय रियलां धरआ लोगो रेफारि महरै सायख'जानो। मख'नाय जायोदि, आधिखालआव रियलां धरआ मेघालय पुलिस बिफानआव सासे कनस्टेबल महरै खामानि मावगासिनो। बियो मेघालयनिफ्राय फिफा इन्टारनेसनल रेफारि जानो हानाय गिबि आइजो जानो हादों।



आसाम सरकार

# अभिनन्दन

लाइमोन हान्जानि जानानै जों सिमां नुदोंमोन, बे सिमाड जोंखौ समाइ लानो थुलुंगा होदोंमोन  
समाइनिफ्राय जाफुंनयसिम बे सोरांनि दावबायनाय जागायनाया मोगथाडव जाफुंसारबाय

## 6049 सिमां

मुलाम्फायारिनि गासै अन्जिमा (डिसेम्बर, 2019 सिम): 1545  
मुलाम्फायारिनि गासै अन्जिमा (नभेम्बर, 2020 सिम): 4504

अभिनन्दन बिथांखिनि आवथायाव जायफोर मुलाम्फायारिफोरनि सोलोंथाय दाहार रेहायारि आर'ज बिलाइआ  
गनायथि जानाय बिसोरनो गांसे गनायथिलाइ हरनाय जागोन



बे थांखियैनो फैगौ

7 नभेम्बर, 2020 इं अक्टयाव

साननि 11 बाजियाव आमिनगावनि नुमली जलाह पेरेड ग्राउन्डयाव गनायथि लाइ  
रानफुंनय हाबाफारि खुंनो लानाय जादों।

बे हाबाफारियाव बाहागो लाफैनो मुलाम्फायारिफोरखौ गुरैयै खावलायहरबाय। जुदि माबा जाहोननि थाखाय मुलाम्फायारिफोरा बे हाबाफारियाव  
नुजानो हायाब्ला अब्ला सोरबा सासे सुबुंखौ गावसोरनि गनायथि जानाय थान्दै महरै बे गनायथि लाइखौ आज्ञाव फैनो दैथायहरनो हागोन।

गाहाय आलासि

मुस्रि सर्बानन्द सनवाल

मान गोनां गिबि मन्थि, आसाम सरकार

माननि आलासि

ड॰ हिमन्त बिश्व शर्मा

मान गोनां रांखान्थि मन्थि, आसाम सरकार

आसामनि लाइमोन सेंग्रा-सिख्लाफोरनि सोलोंथाय लानायनि सिमांखौ मोगथां महर होनो आसाम सरकारा 50,000 रांनि  
एककालीन सोलोंथायारि दाहार सरकारि मदत गथायनायनि अभिनन्दन बिथांखिखौ 19.09. 2019 इं अक्टयाव बेखेवदोंमोन।

बिथांखिनि आखुथाय:

- ▶ आसामनि गेजेराव सोलोंथायारि दाहार आज्ञावनाय जायखि-जाया हादतजों गनायजानाय बेंक एबा समबाय  
बेंकनिफ्राय आज्ञावनाय दाहारनि बेलायाव बे बिथांखिया बाहाय जागोन।
- ▶ बे बिथांखिनि खाबुखौ आथिखालसिम लेन-देन सोलिबाय थानाय एकाउन्टनि थाखायल' गनायजानाय जागोन।
- ▶ लोब्बा थानाय सोलोंसानि सोलोंथायारि दाहारनि बिबाड बाडयै 1 लाख रां जानांगोन।
- ▶ बे बिथांखिनि खाबु आज्ञावनो गोसो जानाय सोलोंसानि बोसोरारि आयनि जेबो थि सिमना थानाय नड।
- ▶ आसामनि साफ्रोमबो अरायथा थागिबिनि थाखाय बे बिथांखिनि खाबुखौ आज्ञाव जागोन।
- ▶ आसाम सरकारआ बेंकफोराव सरकारि मदतखौ थोंजोडै गथायनाय होगोन।

